

師

律

師律卷之十四上目錄

險阨第十四上

邊圖

邊防

四夷

海防

海圖

江圖

江防

目録

師律卷之十四上

吳橋范景文質公輯

險阨第十四上

小序

自古帝王立國必有防維防維必倚險阨夫所謂險阨者山川丘陵關鎮是已不失其可據卽足以禦侮則美哉河山之固亦安見非所急也哉雖然此分封割據之所依也今天下同輿八荒一軌凡屬血氣之倫咸圍保固中又何所用其險阨耶惟邊海兩大防實四

夷侵犯之限。長江數千里。爲盜賊出沒之區。而邊有山牆。海有巨颶。江有會哨。未嘗無險。可恃狀。所以鞏固之道。更在鎖鑰得人。則延袤皆成金湯。蓋我先立一長城。脩禦旣完。扼塞又固。海波自不敢揚。胡塵自不敢蕩。江濤自不敢吼。平行有堅城之限矣。故曰天子有道。守在四夷。倘不求鎖鑰之賢。嚴覈功罪之實。使朝廷恩澤通于行伍之間。國家威聲達于邊國之外。而徒曰險已阨也。阨已塞

也、吾未見其利、賴果何似也、固國不以山谿  
之險、旨哉其言乎、

九邊圖



卷十四上

家大集

酒泉

大同 左衛 五臺 雁門關

部下

陽和鎮 龍泉 務關

俺答成寧

莊陸

興和

蔚州 倒馬關

獨石

居庸關 保定鎮

法蘭手

雲蓮化

北口

山海關

元良哈

喜峯口

金河

廣寧鎮

三岔河

遠勝鎮

行營

三岔河

蒙古

開 潘陽 鴨綠江

朝鮮

日本

大琉球

小琉球

寧台

蘇州

杭州

南京

揚州

濬州

安東

徐邳

山東

都司

濟南

河道

河南

都司

高縣

上房江

下房江

江西

都司

建寧

行都司

福州

興寧

漳泉


潮惠

大馬賊

贛州

南安

粵人











卷十四上



















































邊防

易稱王公設險



傳云天子有道守在

四夷至哉言乎周因殷禮備邊境完要塞謹關

梁塞蹊徑扼走集而掌因司險舉不廢職迨其

季世冠帶之國七燕趙秦邈胡始築長城拒守

秦并六合起臨洮至遼東餘萬里又渡河取高

關陶山北假築亭障足爲後世驅胡資漢築朔

方唐墜五原露武東漢宅雒已失全險宋捐燕

雲卒焉斬祚我太祖迅掃胡元妥懽旣竄愛

猷再遁。永樂三駕虜庭。阿魯台奉款而邊防之制視古特詳。太祖既定天下。卽殲故都。設北平都司。永樂因奠鼎爲今都。宸山負溟固擬於嶠函。本太行鴈門諸山。塞垣聯絡險繇。天造居庸東折。玉帶神嶺若抱若拱。九陵在焉。故居庸爲京師北門。隸昌平。密邇薊州。薊昌俱畿內要地。故未稱鎮。薊昌稱鎮。自嘉靖虜警時所建置者也。國初設大寧都司。營州等衛。與遼宣東西並峙爲外邊。又起古北口。至山海關。



增修險隘爲內邊。永樂間以兀良哈扈靖難功。界以大寧白雲紅螺地。東起廣寧前屯。歷喜峰。近宣府爲朶顏。自黃泥窪逾瀋陽鐵嶺至開原。爲福餘。繇錦義度遼至白雲山爲大寧。號三衛。徙大寧都司於保定。散興營諸衛於畿甸。循居庸左轉爲漁陽。龍當山海之際。古渝關也。控遼東爲遼鎮。遼東孤懸千里。三面瀕夷。一面阻海。特山海關一線路。內通前代。皆郡縣。我朝盡改置衛。獨於遼陽開原設安樂。自在二州。

處內附夷人。其外附者東北則建州、毛憐、女直等衛。西北則朵顏、福餘、泰寧三衛。右轉循太行西南包平原沃野，帶絡數十城，爲古燕趙郊。而宣府、大同握重兵鎮焉。宣府、漢上谷、大同、漢雲中也。國初設衛開平，東接大寧，西聯獨石，而開平興和萬全爲要地。後大寧、昇、虜興和亦廢。開平孤立難守。宣德中徙鎮獨石。宣府稱重鎮。云大同平川曠野，黃沙白州。虜患特鎮。西則平虜威遠。中則右衛守口。皆虜南犯朔應諸城必

窺之路東則天城陽和爲虜入順聖諸處之衝而平虜西連老營堡與偏關近虜纔出套便涉其境故大同稱難守居庸西舊松林數百里間道騎行可一人卽元札八兒導胡兵南牧處也紫荊倒馬二關扼焉而重兵鎮保定扈京師又右轉爲鴈門寧武偏頭三關隸山西東起代郡外斷雲中內經大原北境西盡雍河之濱而鴈門稱絕險自偏頭踰河稍南爲陝右陝有三邊四鎮榆林舊治綏德守在東勝東勝者卽唐

徙鎮榆林勢短  
節險未爲失策  
不得泥漢唐時  
事

張仁愿所築三受降城也。在河北。正統間失東勝。退守黃河。後以虜入套內。又棄河守牆。成化中徙鎮榆林堡。地險兵強。人呼爲橐駝城。塹自黃甫川。西至定邊營。亘千二百餘里。聯墩勾堡橫截套口。稱雄鎮。西絡寧夏。固原二鎮。寧夏西北倚賀蘭山。東南帶黃河。內有漢唐二渠。險固饒沃。成化已前虜患當在河西。自虜入套。河東三百里皆設備。通年修治牆塹。正德及嘉靖年間。增築內外邊。而清水興武花馬池各營尤稱

要害固原在寧夏南前套虜未熾獨靖虜一面  
備胡平固安會之區號爲無事自火篩入寇後  
遂當虜衝卽使州治爲鎮城以固靖甘蘭四衛  
隸之東顧榆林西顧甘肅與寧夏相爲唇齒近  
又於本鎮迤西增鎮臨洮專制西陲半壁隸以  
蘭河洮岷階文而表裏聲援不至長筮難及矣  
其自賀蘭山西至鎮番又西極甘肅皆古朔方  
甘肅卽漢之河西四郡武帝所置以斷匈奴右  
臂者也洪武五年下河西棄燉煌畫嘉峪關爲

限。繇莊浪迤南三百餘里爲涅中地。今置西寧  
衛。繇涼州迤北二百餘里爲姑藏地。今置鎮番  
衛。又設甘肅五衛於張掖。肅州衛於酒泉。蘭州  
衛于金城。全鎮之地幾二千里。列鎮河外。薄於  
沙漠而肅州西七十里爲嘉峪關。西遮西域。南  
蔽羌戎。北捍胡虜。尤稱孤懸。此皆自京師右  
轉而循西以爲徼者也。九邊形勢大略可見於  
此矣。每邊各繚以城堡。限以垣墻。足以兵食統  
以大將副以偏裨。監以憲臣。鎮以開府。聯以總

督薊鎮城堡二百八十五座，空心敵臺一千二百四十座，昌平城堡二十八座，空心敵臺守邊墩臺約三百餘座。萬曆初，增築灤河以東居庸以西及松棚諸路臺二百座。曹家寨將軍臺地跨山橫築內城，守以七臺。遼東城堡二百七十九座，空心敵臺遼腹敵臺墩臺二千八百餘座。隆慶間，置造各城堡，四面懸樓十數座。萬曆初，造空心敵臺兩臺之間，磚與亂石爲牆，臺牆相連，以便固守。改建定邊右衛於鳳凰鎮，移衛治

倉學于寬奠堡保定。邊城一百三十一座。城堡  
十六座。空心敵臺舊敵臺共一千餘座。嘉靖間  
倒馬龍泉故關等處增置敵臺使烽火相望萬  
曆初馬水口紫荆倒馬等關建空心敵臺三百  
五十六座。宣府嘉靖中令自東路起四海冶鎮  
南墩西至永寧盡界北路起滴水屋而北而東  
而南至龍門城盡界爲邊幾七百里創修石牆  
添設墩臺又自四海冶迤南渤海所迤北建墩  
防守隆慶間宣大挑修邊濠蓋造營房砌獨石



馬營二城又北路龍門所自盤道墩起夷靖胡堡大衙口止建設外邊一道益以墩臺東北二路有逕道互相應援且拓地百里以資屯牧見存城堡七十一座大同城堡六十四座敵臺墩臺共九百餘座嘉靖中於邊牆衝口等處添設空心磚臺三百座山西三關惟偏老沿邊地方自蕨萊茆起至老牛灣止邊長一百一里有奇添設磚包空心樓實心樓各十五座敵臺二千一十六座見存城堡墩臺隘口空心敵臺三千

七百一十處。延綏邊牆六百七十一里。墩臺墩  
院塞城共九十座。石砌土築大川河口水洞連  
臺石券關門溝口水澗水口水眼連絡布置。又  
於延綏榆林神木定邊四道築空心敵臺。見存  
城垣六十二座。民寨堡城塞城共二百座。寧夏  
城堡九十四座。關城六座。敵臺墩臺五百餘座。  
關隘三十三處。固原城堡八十五座。戰敵等臺  
六百二十座。護城堡墩敵角臺四千九百餘座。  
肅州城垣堡寨四百九十五座。關隘一百四處。

近為以  
師增添  
不一濫  
原數多  
矣

各鎮原額官軍共八十六萬五千二百一十七  
員名馬三十九萬七十八匹其見在者薊州官  
軍三萬一千六百五十員名馬六千三百九十  
九匹密雲官軍三萬三千五百六十九員名馬  
一萬三千一百二十四永平官軍九千九百四  
十員名馬一萬五千八十四昌平官軍一萬九  
千三十九員名馬五千六百二十五匹遼東官  
軍八萬一千九百九十四員名馬四萬三千八  
百七十五匹保定官軍三萬四千六百九十七

員名馬四千九百七十二匹宣府官軍七萬九千三百餘員名馬三萬三千二百餘匹大同官軍八萬三千八百餘員名馬三萬五千六百七十四山西官軍五萬七千六百一十一員名馬二萬七千八百五十一匹延綏官軍五萬六千六百一十一員名馬二萬七千八百五十一匹寧夏官軍三萬七千八百三十七員名馬一萬三千八百九十二匹固原官軍五萬五千二百餘員名馬三萬一百六十餘匹甘肅官軍四萬

此兵在  
額兵數  
內否

七千五百一十二員名馬二萬二千三百七十  
五匹官軍之外有募調兵或募土著或募民兵  
或各將領自募家丁保定有達軍達軍者內附  
夷人以其生齒日繁驕悍成風又有無籍窳籍  
躲差冒糧之徒一體練操聽調者也甘肅有土  
軍土軍者出自莊浪以其族類日多土官不能  
制務嚴加訓練就我約束也薊遼保宣大山西  
有車營兵車營兵者始于李賢子謙倣衛青武  
剛車制馬隆偏廂車制內藏軍馬糧艸輜重給

火器以防禦也。又有入衛兵入衛兵者。因嘉靖

間虜犯京輔。徵各鎮精兵入衛。薊鎮今沿革不

一矣。有班軍。班軍者。大寧山東河南都司。每衛

分春秋二班。上邊防戍也。總之主客兵不下百

萬。糧芻費亦不貲。有京運民運屯糧漕糧鹽課

馬州。謹按萬曆二十九年歲報。御覽冊薊州

主客兵歲額銀五十九萬九千五百一十一兩

八錢五分

注兵京運銀二十三萬一千八百一十九兩七分。漕糧收折及民運等銀

共二萬九千三十八兩。客兵京運銀一十六萬七千四百五十二兩二錢。鹽引銀二萬三百

七十二兩二分屯運馬價還官等  
銀共一十五萬八百三十四兩四分  
永平鎮主客

兵歲額銀三十三萬四百一十五兩九錢一分

主兵京運銀一十二萬七千三百一十三兩四

錢三分民運等銀共七萬三千一百八十七兩

九錢二分客兵京運銀五萬七千四百三十

六兩三錢三分民屯等銀七萬二千四百七十

八兩二分密雲鎮主客兵歲額銀五十三萬四千

錢三分

五百六十七兩五錢三分  
主兵京運銀一十三萬八千三百九十五

兩四錢九分民屯等銀共一十萬九千九百四

十六兩六錢八分客兵京運銀二十四萬二

千五十九兩五錢八分支剩還官等銀  
昌平鎮

四萬四千一百六十五兩七錢八分

主客兵歲額銀一十九萬四千七百四十九兩

一頁有  
卷之十四  
三

四錢七分 京運銀一十一萬八千六百六十四兩六錢民屯等銀八萬三千八百八十四兩

兩八錢 易州鎮主客兵歲額銀二十萬七千三百七十九兩

百二十五兩八錢九分 主兵京運銀一十七萬四千六百九十一兩七錢

錢民屯銀二萬六千六百三十四兩一錢九分 客兵銀原額五萬九千兩近因題免防秋萬曆二十六年分發京

運年例銀六千兩 主兵糧一萬四百八十四石九斗一升料一萬二千四百九十八石七斗

九升井陘鎮主客兵歲額銀一十一萬七千八百四十一兩一錢五分 主兵京運銀五萬五千五百三兩八錢六分民

屯銀五萬八千三百六十七兩二錢九分 主兵糧

客兵京運銀三千九百七十兩

分



三萬一千一十五石三斗三升料二十四石五

斗五升宣撫鎮主客兵歲額銀九十二萬四千

一錢一分

主兵京運銀二十六萬九千六百三十八兩民運銀四十五萬六千七百

一十三兩五錢也運銀一萬六千六百四十八兩六錢一分客兵京運銀一十八萬一千兩

主兵糧二萬六千四十石一斗三升料二萬五

千四百四十六石二斗草二十七萬三千一百

七十四束大同鎮主客兵歲額銀九十二萬四

千一錢一分

主兵京運銀二十六萬九千六百三十八兩民運銀四十五萬六千

七百一十三兩五錢也運一萬六千六百四十八兩六錢一分客兵京運銀一十八萬一千兩

主兵糧二萬六千四十石一斗三升料二萬五

千四百四十六石二斗草三十七萬三千一百

七十四束山西鎮主客兵歲額銀五十六萬九

千四百五十兩九錢八分

主兵京運銀一十三萬三千三百兩民運

銀三十六萬二千一百二十四兩五錢五分

運銀一千三十兩四錢三分客兵京運銀七

萬三升料三萬三千二百四石六斗二升草九萬五

千八十六束遼東鎮主客兵歲額銀六十八萬

五千四百五十八兩一錢二分主兵糧一十七

萬一千三百八十四石七斗料一十六萬三百

八十八石六升

該鎮歲額每年歲餉不一且冊內不開京運民屯徵數此係萬

曆二十八年御覽冊總數

延綏鎮主客兵歲額銀七十四萬

七千零二十一兩八錢

上兵京運銀四十一萬三千四百八十九兩八

錢七分民運銀二十一萬五千九百六兩四錢二分鹽引銀六萬七千六百二十五兩五錢

客兵京運銀二萬二千五百五兩主兵糧九萬二

千四百二十五石六斗八升料四萬二千八百二

十九石五斗二升草四萬五千四十束寧夏鎮

主客兵歲額銀三十一萬一千二百四十一兩

三錢六分

主兵京運銀七萬七千七百五兩六錢八分民運一十萬八千七百一十六兩

一錢屯運銀

一千九百八十三兩五錢六分鹽

引銀七萬

四百三十六兩二分客兵京

運銀二萬

引主兵糧五萬一千五百二石

銀二萬

引主兵糧五萬一千五百二石

斗料九萬八千三百九十一石七斗六升草

百七十一萬七千六百八十八束甘肅鎮主

客兵歲額銀五十九萬四千七百四十兩一錢

上兵京運銀一十七萬七千五百八十八兩五錢

分民運銀二十九萬五千一百五錢六分鹽

引銀六萬六千一百五十兩客兵主兵糧二

京運銀二萬兩鹽引銀三萬六千兩

十一萬二千二百零七石五斗九升草一百六

十八萬三千一百九十六束固原鎮主客兵歲

額銀四十八萬五千六百七十八兩三錢七分

主兵京運銀一十八萬八千二百一十八兩一錢八

分民運銀二十七萬七千三百九十三兩五錢

三分屯運銀二十六萬四千四百八十八兩九錢四分

客兵京運銀七千三百五十八兩六錢鹽引銀

一萬七千四百二十九兩主兵糧二十六萬六千七百零二

石六斗一升料一千四石四斗草一十六萬八

千九百六十八束各鎮武臣有鎮守有分守協

守又有提調巡視備禦鎮班等官皆因事設職

烏蘄鎮鎮守總兵一統協守副總兵三東路

長  
險  
厄

駐建昌萬曆二十三年題准移駐臺頭營居四

路之中管理燕河營臺頭營石門寨山海關皆

極衝西路一員駐石匣營管理墻子嶺曹家寨

古北口石塘路皆極衝中路一員駐三屯營帶

管馬蘭谷喜峰口太

平寨松棚皆極衝

燕河營建昌路舊設副總兵因移於臺頭路移

泰將駐此以桃林冷口二關屬之太平寨馬蘭

谷墻子嶺古北口

石堂嶺喜峰口

遊擊十一

密雲右營振武營

石匣營大水峪四

員俱總督下遵化右營右管遵化輜重營三員

俱順天巡撫下三屯車前營車後營二員俱薊

鎮總兵下松

統領南兵遊擊三

中路駐馬松東

石領班遊擊將軍七

統領天津寧山通津德

州春班天津德州潘陽

秋班防邊以上七員原俱大寧都司萬曆

中改遊擊領班回日各駐木衛所操練中軍

三總督中軍副將駐密雲巡撫中軍以守備二

十一義院口原提調萬曆二十年改守備界嶺

平城舊設擦崖子嶺今改設李家谷萬曆四年

設羅文谷大安口近改設寬奠谷亦近改黃崖

口關將軍石關口薊州城遵化城三屯管俱舊

設黑谷關萬曆元年設潮河川大水谷白馬關

俱今改設密雲城把總一駐密雲提調九吉家

張家灣俱舊設關司馬登黃土嶺關大茅山嶺青山口關

榆林嶺關黃家口關洪山口關鎮虜關昌平

鎮鎮守總兵一駐昌平城聽總督節制其天壽

泰遊守備西自鎮邊城東至分守叅將二居庸

邊海所各關隘俱屬統領

員所屬石峽峪灰嶺口八達管三守備極衝萬

曆十九年題章石峽峪守備所有兵馬併入八

險厄

達嶺黃花鎮一員所屬募田谷黃花鎮守備

極衝鎮邊城一員所屬鎮邊城白羊口

守備遊擊四總兵標下左騎營右守備十一

城天壽山涿州城懷柔黃花鎮灰嶺口

白羊口鎮邊城石峽谷八達嶺募田谷

守江虜前將軍總兵一調度防禦應援

協守副總兵一節制開原海州寬奠瀋陽等處

有學自策應分守叅將五開原一員防冬

義州極衝海蓋一員駐劄海州次衝專管

海蓋地方并東昌東勝二堡寧遠一員駐劄本

城寬奠一員近或加副總兵銜分守鎮東一十

三遊擊十一廣寧城左管一員右管一員瀋

陽城駐長營堡移駐平虜堡防



守鎮武堡一員正安堡一員廣寧右屯一員錦  
州一員鍊嶺一員中右所一員中左所一員中

後所一員鎮守備五城鎮靜堡清河堡坐營廣  
江營一員

寧中軍一備禦二十三岫岩堡平虜堡武清堡

大清堡廣寧城汎河城懿路城鎮西堡中固城  
開原城兼管馬市蒲河城撫順城大凌河堡杏

山堡西平堡長勇堡長安堡二堡保定鎮守總  
當虜衝中前所慶雲堡義州城

兵一冬警移駐紫荆關以備入援分守叅將四  
春秋兩防移駐浮圖峪遇有

紫荆一員總領浮圖峪倒馬關守備龍固二關  
一員駐劄茨溝地方所屬龍泉關把守馬水口

一員所屬沿河口守備倒馬遊擊六往來駐劄  
關一員所屬插箭嶺守備

河間滄州○定州領軍駐劄府城○井大二道  
民兵○保定車營統領巡撫標下馬兵○真定

市肆  
卷之十  
險阨  
三

漢營統領總兵標下馬坐營中軍下總兵守備

七德州河間真定浮圖峪把總七烏龍溝浮圖

關狼牙口大忠順官二舊達官今改忠順一在

龍門金水口

衛宣府鎮守鎮朔將軍總兵一協守副總兵一

駐劄永分守叅將八上北路一員駐獨石城極

城堡長安嶺城雲川堡五守備下北路一員駐

龍門所極衝所屬龍門所龍門城滴水崖三守

備東路一員駐四海治次衝所屬靖胡堡四海

冶堡保安新舊二城懷來城延慶城六守備上

西路一員駐萬全右衛極衝所屬萬金右衛左

衛城張家口堡新開口堡新河口堡膳房堡六

守備南路一員駐順聖川西城次衝所屬順聖

川西城東城深井堡蔚州城廣昌城五守備中

路一員駐葛峪堡次衝所屬葛峪堡一守備下

西路一員駐柴溝堡極衝所屬柴溝堡懷安城

西陽河堡洗馬林堡四守備提調南山一員駐

割柳溝口極衝所屬岔道城守備撫募兵三千

防守遊擊三員入衛新遊兵二員每年輪流一

南山遊擊三員入衛新遊兵二員每年輪流一

駐劄懷坐營中軍二巡撫下帶管標兵坐營兼

來城守備三十一州堡龍門堡龍門所雲川堡長安

嶺堡滴水崖萬全左衛萬全右衛張家口堡懷

安城柴溝堂新開口堡西陽河堡新河口堡洗

馬林堡保安新堡保安舊堡懷來城四海冶順

聖東城順聖西城葛峪堡膳房堡靖虜堡岔道

城深井堡大同鎮守征西將軍總兵一協守副

廣昌堡

總兵一駐劄左分守叅將十東路一員駐劄天

衛城

落城陽和城天城靖虜堡瓦寨堡守口堡  
守備北東路一員駐劄得勝堡極衝所屬鎮羌  
堡弘陽堡鎮川堡鎮邊堡衝所屬左衛城六守  
備中路一員駐劄右衛城極衝所屬威遠城一  
衛城鎮山堡殺胡堡牛心堡五守備威遠城一  
員駐威遠城極衝所轄威遠堡滅胡堡雲石堡  
三守備西路一員駐劄平虜堡極衝所屬平虜  
城迎恩堡二守備北西路一員駐劄助馬堡極  
衝所屬助馬堡拒門堡拒牆堡滅虜堡威虜堡  
寧虜堡六守備井坪城一員駐劄朔州城極衝  
所屬井坪城朔州城乃河堡馬邑城應州城懷  
遠城六守備新平堡一員駐本堡極衝所屬新  
平堡保平堡平遠堡三守備總督標下左掖  
員右掖一員今分領左掖叅將右掖兵馬遊擊  
遊擊二總督標下右入衛遊擊四員入衛  
回駐劄坐營中軍二總督標下守備四十一  
鎮城劄

城應州城陽和城平虜城左衛城天城城井坪

城朔州城威遠城馬邑城霧丘城渾原城二員

不屬叅將懷仁城弘賜堡鎮川堡鎮遼堡鎮虜

堡鎮河堡威虜堡滅虜堡寧虜堡殺胡堡威胡

堡迎恩堡鎮羌堡助馬堡新平堡靖虜堡牛心

堡瓦窯口堡平遠堡保平堡威平堡乃河堡威

遠堡守口堡聚落堡高山山西鎮守總兵一

堡拒門堡拒墻堡鏗山堡山西鎮守總兵一

寧武關防秋移駐陽協守副總兵一專駐偏頭

方口防冬移駐偏關

三千防河防邊分守叅將六中路代州等處左

今駐劄老營堡

武站守備所管地方東自霍家坡起西自廣武

王止西路偏頭關等處右叅將極衝所屬偏頭

關水泉管二守備太原等處左叅將次衝所屬

尚嵐石照二守備盤道梁一操守中路利民堡

右叅將極衝駐劄莖麥州所屬利民堡寧武關

老營堡神池堡八角堡艸琛山堡六守備河曲

縣參將極衝駐劉夾溝營所屬河曲縣守備北

樓口參將極衝所屬平刑關北樓口二守備所

管地方東自平刑關石窯偏頭關遊擊一寧武

巷起西至若越霍家坡上

關坐營一守備十五總兵標下

一員總兵關所民堡寧武堡老營堡神池堡廣

武城一員堡北樓口尚嵐石隰八角水泉營汾

州草坡山堡操守一盤道梁口延綏鎮鎮守鎮

此員新設

西將軍總兵一駐劉城協守定邊右副總兵一提調

大塢口等處所分守參將七孤山一員極

編參將守備共四員

川清水營二守備東路一員駐神木堡極衝所

屬大柏油堡一守備高家堡一員極衝原守備

今改參將西路一員駐舊安邊營極衝中路一

員駐鎮靖堡極衝所屬靖邊營守備清平一員

員

極衝舊遊擊萬曆四年改保寧一員極衝所屬

懷遠波羅二守備分守魚河歸德波羅響水保

寧常樂雙山遊擊二左營右營入衛遊擊二鎮

鎮川八堡遊擊二俱住鎮城入衛遊擊二鎮

城房年輪流一守備十一榆林堡寧塞營靖邊

員入衛薊鎮一守備十一營黃甫川大柏油堡

縣井堡波羅堡雙山堡鎮城坐營中軍二巡撫

清水堡懷遠堡柳樹澗鎮城坐營中軍二標下

總兵寧夏鎮守征西將軍總兵一協守副總兵

標下

一俱駐劄分守叅將四極衝西路左叅將駐寧

夏後衛極衝靈川左叅將次衝每年河開後移

駐清水營防守河凍往來靈州通防橫城至秦

湖沿河一帶地方北遊擊四鎮城興武營玉泉

路平虜城叅將極衝遊擊四營廣武營此員舊

操守萬曆九守備六撫夷一員安定堡清水堡

年改遊擊

新律

卷之十四上險阨

无

坐營中軍二

巡撫標下千總總兵下管理鎮城都司一管

理水利屯田都司一甘肅鎮守平羌將軍總兵

一駐劄協守甘州左副總兵一駐劄分守六州

右副總兵極衝莊浪左叅將極衝所屬紅子城

鎮羌守備肅州右叅將極衝永昌叅將極衝

西寧叅將次衝遊擊五莊浪一員統領西寧上

鎮番叅將極衝遊擊五班兵馬赴石灰溝駐劄

兼管西寧二州通海路口高臺一員坐營中軍

一領兵標下以都指揮體守備十一洪水堡山

一統行軍間用遊擊衝領班備禦都司

二甘州頭班涼州頭班舊四員近二員上陝



西鎮守總兵一

鎮固原

臨洮鎮守總兵一

萬曆十二年

題設

協守臨洮階文副總兵一分守五

河州參將極衝臨洮

河州二衛官軍悉聽節制蘭州參將極衝分守蘭靖地方禦虜巡捕曠賊清虜參將極衝陝西

參將次衝階文西固階州文縣三千戶所應援遊擊二守備并西固階州文縣三千戶所應援

擊四固原東路一員駐紅德城應援東路乾溝

應援西路蘭靖莊浪等處固原兩路一員駐西安州

左營一員駐固原總兵下石營一員中軍一總督

下副守備十一城慶西固文縣漢中岷州景古

旗堡黨坐管官一曆四年設河東備禦都司

一國初兵事專任武臣後常以文臣監督文臣

重者曰總督次曰巡撫或提督又有兵備薊遼

保定一總督三巡撫

總督駐密雲城近加經略  
侯銜薊州巡撫一員駐遵

化城保定巡撫一員兼提督紫荆等關  
遼東巡撫一員贊理軍務駐廣寧城

而薊昌

永平密雲霸州天津紫荆井陘大名寧前遼海

東寧開原金復海蓋或以兵備兼副叅或以苑

卿兼兵備聽節制焉宣大山西亦一總督三巡

撫總督駐陽和城宣府巡撫一員大同巡撫一  
員贊理軍務提督鴈門等關兼巡撫山西

地方而北口懷隆冀北陽和大同左衛冀寧鴈

平崑嵐河東潞安寧武或以分巡兼屯田或以

兵備督叅遊聽節制焉。陝西三邊總督一，延綏、寧夏、甘肅、固原巡撫各一。

俱贊理軍務

若靖邊、神木、

榆林、河西、靜寧、隆德、固原、鎮原、洮岷、延安、臨鞏、鞏昌、靖虜、西寧、莊浪、西安、涇邠、商洛、潼關、漢羌。其號爲兵備者，或以本官兼屯鹽理互市，或以兼官總衛所撫番夷，其皆分委任而責成功乎。大都我朝邊臣有唐之節度而無其強，有宋之宣撫而非其弱，用能使大小相維，犬牙相制，九邊經制大略又可見於此矣。此其地形兵力

要在精  
神充實  
志意  
貫則九  
遠呼吸  
立應不  
然行矣  
收具形  
耳

編錯櫛比，文臣武將，雲擁星羅，無事則畫地防

守，有事則犄角應援。壯哉天造人謀，固于磐石。

豈非國家萬世子孫長久，帝王之業哉！但承

平日久，舊制漸渝，夷性梟獍，間行窺竊，其世居

我迤北者，故元裔也。元自崇禮侯潛居，應昌不

數傳，被弑者五。維時瓦剌稱強，小王子之勢又

浸盛，小王子之子反顏罕者，襲小王子而世其

號，生子男十一，咸勇悍善戰。其第三子阿著，原名

賽那郎，一名亦稱小王子，生子七。長麥力畏，苗囊次，俺荅三。

酒阿刺罕

兀慎打兒汗刺布台吉四老把都台吉五那  
林台吉六我把汗點刺台吉七那竹台吉

住牧河套者吉囊也俺答則住豐州者也住陽

和後口葫蘆海子者兀慎打兒汗喇布台吉也

老把都台吉則住獨石後三間房那林台吉則

住獨石正北地名我力速也住青山後正北地

名十字索兒大者我把汗點刺台吉也麥力昆

吉囊生子九長那言大兒吉能次狼台吉三那

台吉六克都威正台吉七哥洛哥台  
吉八把都兒台吉九哈麻父旦台吉  
俺答亦生

子九長興都克隆哈即黃台吉次不彥台吉三  
鍊背台吉四賓免台吉五把林台吉六哥

力各台吉七不他失禮黃八兀慎打兒汗喇布

沙亦星台吉九以兒將遊

台吉生子一曰兀慎阿老把都台吉生子五長

三忽兒威正台吉卽黃把都兒二兔都箭歹正

台吉云合不慎台吉內矮兒克兀打兒汗台吉

郎滿五素五七慶朝庫兒台那林台吉生子三

吉郎滿五大妻麥速比妓我把汗點刺台吉生

長都撒兒台吉次丙鬼兒

汗台吉三打兒汗台吉

子三長恩光跌兒歹成台吉二也辛跌兒虜所

轄部落田好陳察罕兒曰召阿兒曰把都阿兒

曰克失旦曰卜爾報凡有衆五萬者大營卜赤

亦克漢也曰岡留曰罕拾四爾填則所謂東三

應紹不  
一曰應  
都伯

部也。其酋曰滿會王。有營三。蓋屬岡留部者也。其酋猛可不。亦有營三。則屬罕哈部。其爾填部所屬營一酋長。所謂可留都者也。東三部部衆可六萬人。居沙漠東偏。與朶顏鄰。彼藉之爲嚮導。此倚之爲重援。白應紹不。曰阿爾禿斯曰滿官嗔。所謂西三部也。應紹不營。凡十。近皆分散無幾。惟哈刺慎一營僅存。先是十營皆屬赤不剌。後赤不剌叛。虜遁西海上。故土輩無所著。各散去。其阿兒禿斯部。有營七。故亦屬赤不剌。

衆凡七萬人，後屬吉囊。吉囊合爲營四，曰哱答、  
斯、曰偶甚、曰八哈惡納、曰打郎，則附吉囊所住。  
牧河套者也。曰多田土悶、曰畏吾兒、曰兀世、曰  
叭要、曰兀魯、曰土吉刺，衆四萬人，故屬火節、火  
篩。敗後，屬俺答。住牧豐州。又有哈刺慎部，及哈  
速部者，則所謂南二部也。其酋長把答罕、奈者  
爲營一，衆可三萬人，則屬哈刺慎部，屬哈速部  
者，營亦一，其酋長則曰失刺台吉，有衆二萬，住  
牧宣大邊外者也。別有兀良罕營一，故小王子



比部因隙叛去。至今彼此相攻殺。又西有瓦剌。衆可五萬人。世與土魯番讐。日相鬪格。以上蓋北胡生長部落大略也。阿着子六人。惟吉囊俺答最強。吉囊據河西之饒。長子姓俺答。擁控弦十餘萬。多精銳。子興克都隆哈。偏臂善用兵。以故數弄兵塞上。又有三衛降胡爲間。嘉靖中虜患無歲無之。我是以征討不停。調兵入衛。無虛日矣。隆慶四年。虜酋把汗那吉叩關降。把漢那吉者。俺答第三子。鏤背台吉子也。幼失父。俺答

妻一克哈屯實鞠之。及長頗儇巧。故獨鍾愛。已  
有婦二。又聘兀慎家取兔捨金的之女爲三。會  
俺答有紅孫。卽所謂三娘子者。甚艷色。許聘襖  
兒都司。俺答遣焉。強納之。襖兒都司恚甚。將攻  
俺答。俺答無以解。乃奪那吉。所聘兀慎女與之。  
那吉忿恨南走。闖入關。請降。邊吏莫察。以爲一  
胡雛。於中國無繫也。總督王崇古念此奇貨可  
居。于是盛館餼與馬。遂其意。具以聞。且言宜尊  
顯之。以示虜。因持此爲質。索我叛人趙全。趙全

者世魯人敏警有略呂老祖黨也老祖以妖術  
謀不軌事覺懼誅因與其黨十人逃歸俺答俺  
答割地一區處之爲城郭官室之制升板築垣  
遂號板升其飲食衣服多仍華舊所居極壯麗  
僭擬宸居別爲離宮九楹以奉俺答比入棟  
折俺答懼不敢居嗣後中國無賴有罪輒以余  
入板升全黨至數千虜每入寇輒先驅偵諜故  
邊將不能防石州之慘至今寒心當其時朝  
廷有令令捕得首惡者予萬金爵列侯黨衆者

予千金官萬戶，迄無應者。會把漢那吉隆，俺答心私念之。又一克哈屯朝夕泣曰：「黑台吉非君少子耶？奈何殺其孫？」俺答益自傷，計中國怒虜歲犯邊，必且甘心之也。則日夜泣，目盡腫。率衆南叩邊，索之。總督王崇古因巡撫方逢時謀，使人謂之曰：「兵來那吉不生還矣。」執趙全等以贖。乎俺答唯唯，因就幕中語，遂擒八逆以獻。督撫上其事，乃詔歸那吉，許通貢市，賜金印封俺答爲順義王，築一城名歸化以居。其餘封爵有

差時套虜吉能亦乞貢。詔授都督同知。餘亦  
給爵秩。虜旣受封通貢。奉我三尺。於是我塞垣  
東起四海冶。西盡甘州。延袤五千餘里。無烽火  
警。行人不持弓刀。俺答卒。長子興克都隆哈黃  
台吉嗣封。先配五蘭比妓。又蒸三娘子。納婦一  
百八口。生子一十四。襲封四禩。卒子褚力良。卽  
力繼封。有子男五。其長子朝兔台吉。所生子四。  
長曰卜失兔。黃台吉。卽金刺。克今傳且三世矣。奉  
貢惟謹。其俗好佛。有小佛子者。每每教以忠順。

此比今  
事勢大  
移矣存  
之以備  
攻

我中國聞三娘子統兵亦順命無敢爲邊擾夫  
以二百餘年逋寇累世稱藩我無亾矢遺鏃之  
費而邊塵靖真古所未有但我族類其心必  
異我姑示羈縻彼未有固志今順義王與察罕  
奴吉構怨貽邊臣書比朝鮮例借我兵援夫虜  
性反側察罕更屬狡猾重兵相持邊鄙震撼且  
請而許之是以夷疲我而挑之釁請而不許夷  
又得以口實我有掉臂去連和察罕共爲我患  
事不可知則北邊又未可晏然鮮甲也其在東

今日之  
禍烈矣  
亦存之  
格參

北有土蠻、建州、毛憐、女直、海西、山夷、江夷等部，  
落住牧曩。蠻最強，數犯我東塞。今建酋奴兒  
哈赤、素兒哈素兄弟二人，故女直部落，據有富  
饒之地，自謂金人遺種，近并猛骨、唃囉，結搆臣  
慙、小反，青爲聲援，納我逋逃，噉我單弱，陽爲輸  
款，陰蓄異謀。天幸用我華人龔姓者爲主謀，此  
人不忘忠國，未敢遽發，萬一老死，二酋之患，恐  
不在宋女真下。日者仰暹二奴被戮，雖已恐懼，  
輸誠補進，雙貢，然不可據以爲信。靖酋近糾衆

在廣寧錦義邊外，窺瞰謀犯朝鮮，連年防倭，遼左震驚，泰寧三衛正統土木之變，頗聞爲也。先歸，今與北虜婚媾，必且互相黨援，邇來朵顏酋長伯牙兒哈爾赤、長昂、泰寧酋長炒禿等，雖悔罪納款，補進五貢，然乍臣乍叛，誠爲叵測。則東三邊又未可恬然燧戈也。其在秦隴，吉囊種類日繁，賓兔等分駐大小松山，頻年爲梗。萬曆戊戌，大司馬田樂巡撫甘肅，提兵二十萬，乘勝搗巢，獲級數千，聲勢大振。松山三百餘里，地盡



收復卜築戍守年來迫于饑饉揚我兵威悔禍  
乞款鑽刀說誓進馬互市延寧兩鎮庶稱息肩  
然苟無善後長策則竊發之奸深屬可虞且土  
魯番併有哈密志益肆與瓦剌爭雄長嘗至西  
海劫殺北虜每曰蘭州黃河西是我故地繇此  
不已唐吐番宋元昊飲馬河西以犯中國不能  
保其必無則西三邊又未可安枕而卧也蓋嘗  
合九邊大勢觀之甘涼榆寧與吉酋鄰雖世受  
我爵賞然毛目天倉之險彼實據焉寇已迫于

門庭宣大山西與俺酋鄰雖世稱我藩臣然九  
十九泉之勝一十二哨之衆彼實握焉患恐貽  
于養虎矧老把都那林台吉生齒毳幕環布蟠  
結是我肩脊之憂也莽刺之有火落赤等憂在  
洮河海上之有打兒汗虎喇哈赤憂在遼東黃  
河腦之有丙兔着力兔失喇啞叭大諸酋憂在  
嘉峪關夫反顏罕一酋耳後嗣蕃衍流今七輩  
生息四百有奇其三衛屬夷併各邊夷番又不  
知其凡幾矣史車負恩六兇煽虐則前事之明

鑿也

按史車二夷朶顏種也嘉隆間相繼內附萬曆十八年叛去二十年復歸六兒三衛

夷黥酋長昂炒蠻董忽力及夷婦大小等只猛可真號爲六兒萬曆辛卯長昂并弟莽金兒伯暈反等入犯石門路之花場

往議者曰復大寧

復河套復故遼陽夫自大寧都司內徙遼東折

右臂宣府折左臂聲援隔絕松關潢水勢固在

虜龍岡灤河我失其險王畿近地豈容盜賊

居近議欲比擬唐受降宋大順而築彼霧靈之

山以爲吾守此一策也套內饒有鹽池海子葭

州民往多種食其孺地自舍受降而東勝已失

一面之險又輟東勝而延綏則以一面之地遮  
千里之衝遂使套中沃壤爲虜巢穴而寧夏外  
險反備南河誠復守東勝因河爲固使套地方  
千里歸我耕牧得屯田數百萬用省內運亦一  
計也遼陽故城在三岔河南北亘數百里草木  
豐茂更饒魚鮮自洪武壬子委以與虜迺遂進  
據腹心限隔東西守望勞費道里紆遠遣人每  
憤憤焉昔我太祖嘗論遼帥曰滄海之東遼  
爲首疆誠重之也則今柰何使之淪于虜也雖

然此三者猶其標也。語曰：殺虎易，奪虎子難。奪虎子易，奪虎穴而居難。今未能殺虎，遽欲奪其子，處其穴乎？兵法曰：知彼知己，百戰不殆。而膠柱調瑟，恐非萬全計也。今九邊兵馬視國初稍減矣，韃靼酋長視國初倍蓰矣。漢儒謂匈奴之衆不過當一大縣，以之借箸而籌，今虜不亦謬乎？嗟嗚！昔兵將如雲之盛，元孽如綫之衰，猶不能以長纓繫虜王頸，致之闕下。茲以有限之兵，當無窮之虜，必欲剪滅此而後朝食。

非真見虜在吾目中而又廟堂之經畫素定甲兵素精邊儲富饒餽餉不絕其何能濟前俺答受封時廷臣皆謂虜時內訌應接不暇卽有修爲隨經殘破今虜旣效順國家無事宜乘此時積我錢穀修我險隘練我甲兵墾我屯田理我鹽法今已三十餘禩矣錢穀何如險隘何如甲兵屯鹽又何如觀此情形曾不若曩時釋之爲外懼也故今日之所當急者有三曰重邊臣曰足邊餉曰練邊卒而其所當議者有五曰繕

牆堡曰守要害。曰明賞罰。曰慎貢賞。防互市。曰  
謹間諜。嚴烽燧。何謂重邊臣。請自今但論賢否。  
不論官階。督撫缺。內自科道部屬而上。外及於  
藩臬守臣。推補總兵缺。於指揮而上。及叅將簡  
任。寬以文法。假以便宜。久其責任。豐其祿入。毋  
從中制。毋輕調遣。有功卽與紀錄。功多者增秩。  
且錫之蔭。非汗穢不職。喪師失律者。言官毋得  
妄糾彈。如是。則人爭奮其忠勇智謀。死綏死鼓。  
期獲首級。成功報。天子所噫。管馬文升經略。

哈密黑麻悔罪。余子俊鎮守榆林。虜人啣項  
忠。單騎抵賊。滿四就擒。許進領大同。瓦刺入貢。  
薛祿。佩將印巡邊。圍斬虜奇黃。郭登設攬地龍。  
飛天網。陷賊朔北。今誠得若人任之。無虞虜矣。  
何謂足邊饟。竊謂籌邊者當察其耗邊之源。然  
後急圖實邊之策。顧耗之之途亦夥矣。有就邊  
而耗者。有耗於內而實爲邊耗者。老家不能受  
用。而尺籍徒存。則冗食者耗。急則名募。未列行  
伍。先取安家。則虛糜者耗。募置親兵。將所畜家。



丁籍爲勝兵。而名額多增。費復幾倍。則濫支者耗。此皆就邊而耗者也。緹騎冗員。而食無功之祿。大官冗役。而享無勞之奉。內監冗匠。而叨餘廩之入。凡此皆耗於內而實中於邊者也。內帑貯蓄幾何。乃堪此輩卮漏哉。柰何不簡而清也。至求所爲實邊者。則莫屯鹽若矣。鹽不開中。而改折。則鹽政荒。屯不子粒也。而折色。則屯政廢。其弊也。鹽以供私販。屯以資乾沒。自今復申鹽初制。凡運司額鹽。非邊引不得關支。卽餘課

俱令赴塞下輸粟芻俾內地諸商勢不得不外  
徙塞下。經營產業則拋荒地土。不患開墾之無  
其人。而當事者又必親歷邊境。相度疆土。某爲  
舊屯豪勢占據者。清理之。某爲曠土。堪興屯利  
者。開拓之。其屯丁或因土著。或募新軍。或徙附  
近。或召民佃。設法安置。給以牛種。暫免徭賦。待  
墾熟。然後收租。安邊足用。計無踰此。蓋屯與鹽  
兩者若不相蒙。而利害實相關。惟開中行。則邊  
民爭爲力農儲粟。以應商急。商急欲得粟。則又

爭爲募丁墾荒。以便供輸。商爭爲募丁墾荒。則屯軍之貧無力者。與巨家大賈錯壤以耕。而緩急亦獲通有無。助守望。久且樹藝成林。穰穰相因。塞下粟不可勝用。而商之報中使軍之芻餉亦便。百世之利也。宋人有言。國家閒暇。北虜安靖。不及是時。少爲根本慮。忽有小警。相顧無策。不免腹內郡膏血。補邊方瘡痍。內外俱困。不知其所止矣。說者又謂榆林鎮城。四望黃沙。不產五穀。不通貨賄。芻糧仰給腹裏。米珠薪桂。師不

宿飽萬一虜駐魚河糧道險遠城中坐困故欲於府谷至葭州繇黃河而上造舟轉運以濟清  
水木瓜孤山等處亦一便計也而復徵本色設  
立倉場尤宜波汲至復登州海運以給河東十  
四衛蠲新增牧馬子粒通居庸桑乾陸輓達蘆  
溝舟運以甦宣府是不可不深長思也又按各  
邊月餉法曰折色者六月本色者六月在邊者  
折銀七錢在內者折銀六錢又曰本折間支此  
通例也然春夏而米價騰踊銀一錢止易粟數

升則姑與之折銀，秋冬而粟價稍平，倉廩稍足，則始與之本色，毋乃驅之飢而罷病且死乎？若誠慎簡邊郎，釐革厥弊，庶庚癸可無呼矣。何謂練邊卒？馬端臨有言：宋兵之弊，劣弱；唐兵之弊，驕悍。乃今兼之，嗚呼！柰何其不講于訓練之方也。竊以爲訓練者，在先正其名分，默消其虛僞，使之知親上死長，秩然無所逃，然後審度其分合之宜，辨白乎衆寡之勢。如大衆糾集，絲髮不足踰亂矣。則察伍法以教之，五人爲伍，五伍爲

兩四兩爲卒，五卒爲旅，五旅爲師，五師爲軍。三軍不得亂行而失錯，不然者罰。壁壘縱橫，星緯不足喻衆矣。則察軍較之法以教之，以一爲十，以十爲百，以百爲千，以千爲萬。俾三軍不得渙散而無統，不然者罰。分合進退，風雨不足喻變矣。則察圍陣之法以教之。隅絡鈎聯，曲折相對，左右虞候，別其號。五行十二將，殊其名。俾三軍不得矯志以紊制，不然者罰。其先後次第，井然不紊。督撫時出其不意，調一二隊點閱，第呼

其把總隊長姓名。卽各領本卒以來驗其識認與否。比較其武藝精熟與否。使將知士之疆弱。士熟將之號令。有警量賊多少。多則合營俱動。少則調一二營。某爲先鋒。某爲聲援。皆隨原將領官統以行。臨陣之所用。悉平日之所簡練。無有彼此差池者。何謂繕墻堡。邊墻東起開元。西至嘉峪。北抵沙漠。紆紫九千一百四十里。營堡數千。緣日久漸壞。亭障缺少。蹊隘疎漏。夫邊人所以與虜隔者。獨有此垣墻。其所以守望相助。

者獨有此營堡，庶人之家尚高其垣墉，嚴其高  
鑰，而後可以安枕矧。天王都會之區，咫尺虜  
庭，可玩忽無備哉。昔余肅敏於榆林，開三十城  
堡，築牆千餘里，榆林人尸而祝之。都御史徐廷  
璋修築寧夏邊牆，虜不復入套者二十餘年。楊  
少傳一清，王本兵瓊，築花馬池牆三百餘里，人  
戴之若父母。兵尚書翟鑾築五堡，今爲大同利。  
請自今督撫委官沿邊踏勘，某處少缺，宜創築，  
某處傾頽，宜展築，計其工價，定其日程，簡廉能



將領董其事鳩工聚財土可築則築石可斲則斲磚甃繼施灰罐必謹列堡相望乘障相聯臺墩相錯高城深塹峻谿谷通水門具藺石布渠答周虎落藩塞阻路凡山林密莽設厲禁毋听伐壯天險焉尹畊有云成城如引繩急之而不斷列堡如布棋錯之而不雜堡去城不二三里其相去不三十里堡爲廬舍備器用鑿井增竈具春列櫪俾人有所棲馬有所秣使至者如歸寓者如家每堡五六百人受一廩統以一將

將爲一解步卒勤瞭望晝夜更番馬卒遞邏徼彼此相驗無事則番上者倚戈番下者休邏徼者遞哨堡居者習技擊有警則番上者爲燧邏者登堡居者繼登則役不罷而事可久也行之一年民便之來歲徵集則令於軍曰乘塞而願講室者聽增給室養比歸復令軍曰室至而願留者聽增給溫絮移額廩既留而復令於軍曰願恒居而授田者聽且給牛種夫然則塞垣綿邈卒伍充盈居恒有以相周臨敵足以相死謂

之關塞可矣。何謂守要害。按天壽山後黃花鎮以東。歷密雲馬蘭。太平燕河。屬於山海。謂之東關。以西歷居庸白羊紫荆。倒馬。屬於龍泉。謂之西關。居庸外拒四海冶。逼近虜巢。紫荆倒馬隘口既多。守備不能專。紫荆乃南出之路。疾騎趨吾運道。數日可至。故諸關之中。居庸最巖險。防守之計。在據八達嶺。以扼全道之衝。斯爲得勢。倒馬距京稍遠。紫荆則夷於居庸。而近於倒馬。考之往古。攻燕及我。朝北虜犯順。多繇紫荆。

咫尺周廬，夷漫寬狃，有如備禦弗週，謂此咽喉。何增兵守險，尤當急者。凡一關必有一營，關主於守，營主於援。昔于肅愍以易兵援紫荊，以涿兵援白羊，以真定兵援倒馬，又遣兵四出節制。游徼名曰巡哨，首尾應援，聲勢聯屬，卒保無事。黃花鎮肩背，陵京負荷鉅重，四海治，其捍禦也。舊有徑道走諜報，今已塞，則治有警報，必緣居庸達黃花，相去二百餘里，難以一蹴至，宜於邊牆適中處，建敵臺，臺上蓋屋，以便直宿分內。

外設軟梯上下。黃花鎮撥軍三十名。四海冶撥軍三十名。分班宿直。文到卽遞。遞必二人。自外而入者。黃花軍也。自內而出者。四海冶軍也。如此。則旁竇易塞。文移易傳。藩籬爲之孔固矣。古北口。兩旁峻崖。車可容軌。西北通關平。殘元避暑故道也。中有葫蘆谷。最險。朶顏部落。花當居之。繇京師至古北口。僅二百五六十里。古北至開平。僅四驛。若專備古北。則於古北潮河二營。稍大其城。各增兵五百。各每防秋時。調遼東。

遊兵三千名及密雲副總兵之兵同守之。潮河川沙浮水漲，先是都御史洪鍾設有關城，勢孤難守，今須大建石墩數十，令其錯綜宛轉，不礙水路，庶幾可久。薊門關口頗多，兵力獨少，必撤路兵盡歸守提，用南兵使控層臺，練北軍使精擊刺，遼東虜倭兼備，開原廣寧並據咽喉，金復海蓋頗稱沃野，河西地近土蠻，潛引諸夷爲患，而嚴冬水結，卽河東亦闌入焉，勢成積弱，虜不逞於遼，必窺關內，繇爛泥窪過鐵場堡十餘里。

正衝黃土領關。故遼左有警，則薊東當援。倭不  
逞於鮮，復窺遼左。繇綠水越旅順，黃骨島片帆  
卽吾地。近議自薊達遼，各路設戰艦車輛火器。  
又當鎮江城，特設鎮道，控海門爲關。此亦固  
藩籬一策也。宣府去京師不四百里，鎖鑰所寄。  
北路獨石馬營一帶，阻長安嶺，虞難徑下。中路  
之葛峪、大白陽諸堡，西路之柴溝、洗馬林，萬全  
諸城，南路之東西順聖，皆虜出入孔道。東路永  
寧、四海冶，北路龍門所，則三衛窺伺之地。而四

海冶上通開平大路下連橫嶺兒有不可不爲  
之經畫者故補長峪城鎮之募軍重浮圖峪插  
箭嶺之防守留茂山衛京操之士以益紫荆築  
本信屯交界之堡以固兩鎮修張家口洗馬林  
西陽和諸處以塞中路之竇修永寧墩長安嶺  
龍門衛內垣以扼京後之衛策宣府者此其大  
計矣大同在九邊中最爲絕塞國初於鎮城  
外分中東西三路設大邊二邊捍虜自東勝豐  
州不守雲州玉林內遷重邊盡爲虜窟嗣後增



築鎮邊殺胡了角一帶增置雲岡雲陽諸堡東西相望臂指相使三雲形勢大非昔比矣顧高山聚落二堡在鎮城左右虜實衝焉募兵分駐則犄角勢成然後全鎮永爲不拔之基偏頭寧武鴈門皆要地往虜入大同川二邊則鴈門當其衝寧武諸營堡不甚險隘虜繇喬麥川野豬口入而遊兵百里赴援甚難偏頭地平可馳馬又逼近黃河焦家坪娘娘灘等處皆虜賊渡口曩多虜患西北冬備河曲東北時備大同州

前時險塞設關，邏夫環戍，戍卒荷戈，守吏辦條，行者荷肩曳踵，左右森立，後禁解網弛廢，鑿缺斤，左右環立，不問誰何，况覈符券，遂至有虜細出入，群來旅往，防乎防乎，貴在關吏矣。若扼陽方之口，塞南川之衝，嚴水泉營一帶要區，且增撫臣於偏關，而以大將駐老營，副將駐河曲，有警則山西撫臣親提太原汾州二營之兵以守寧鴈，甚急則便調各州縣之兵以遏奔突，有如先年經略王宗沐酌議尤當，蚤夜以圖者，又安

得以三晉爲內地而易視之也。延綏東西地套虜充斥，然自神木迤東逼近黃河，難通大舉。神木迤西直至澇溝等處環遶千五百里，而安邊定邊二營連接花馬池，更爲虜衝。虜不來則已，來則長驅深入關以內，尤可憂。故葺險二邊以固藩籬，增堡衝邊，以聯策應。復腹內之班戍，除近邊之壘，沙寶爲保障，至許寧夏一鎮。頻年虜據套內，平虜至花馬池，百餘里多虜患。夏秋則繇渾脫浮渡，冬則踔水馳至，西窺寧固，南竄

慶陽今每歲督撫移駐後衛防秋。中衛僻處西隅，數苦山後之虞。自松山恢復，衛索橋而上，築城固守，直接鎮番。則我據險，彼失勢。有風雨飄忽而來者，量出精銳夾擊之。或斷其中，或截其尾。又屯重兵於清水等營，令三百里間旗幟相望，刁斗相聞。其鐵柱泉等處，水艸天路，盡建墩臺。此不惟得扼吭制勝之策，東援榆林，西援寧夏，亦率然常山蛇勢也。其在固原，火真諸酋環居川海，生番逼我郊圻，而時肆剽掠。熟番受我

豢養而陰懷異謀四通八達皆虜穴爲稽之近  
事庚寅歲西虜寇洮河則兩川悉據雖合七鎮  
之兵懸通侯之賞竟無以購火酋之首壬寅後  
北虜寇固原則諸路分侵雖寬失事之誅下搗  
巢之令卒無以戢卜酋之兇所幸南北不合謀  
先後不並犯故我師應援未至顧此失彼而金  
秦要區猶得旣危復安耳先臣許論言總督不  
駐花馬池則固原未得息今似不然計在防  
河套之虜以安原州則嚴花馬之守扼與靈

之衝防山後之虜以固蘭靖則當增治河之堡  
屯常戍之兵防海西之虜以安臨鞏則當增大  
將以資彈壓鼓番人使爲我用蓋固原恃三鎮  
爲屏障三鎮安則固原自安不然盜已入室而  
復延頸四顧恐無及矣甘肅自虜款以來俺酋  
有迎佛之舉常穿塞出入且駕言復仇瓦剌遺  
置種類封植巢穴流住甘肅涼永之外陸續進  
透南山絕無東返之志甘鎮四面腹心在在皆  
虜所幸辛卯鄭公洛焚仰華之寺而遐道之禍

弭然防守之計，則莊浪涼州其要害也。西寧控十三番族，四堡六千戶所，亦爲要地。故分官列陳以防蹂躪。如遇莊浪西寧警報，河州將官繇弘化寺應援，蘭州將官過金城入靖虜策應。凡河東堡塞之在河西者，其鎮一體發兵堵截。又於秋冬間行令莊浪並魯氏土兵以防碾伯。西寧游兵駐古浪以防岔口，鎮羗涼州副將合永昌兵以外助鎮番，內防涼永。肅州叅將嚴謹堡塞以禦攻擊，且也防海西之流劫，禁番文之詐。

冒其肅其有瘳乎。夫然則我邊防旣密，不惟胡人及馬不得踰關，卽有逋逃逆黨，我亦得以按符讎察，寧有伏辜論死，裹足不敢入虜營矣。何謂明賞罰，夫千金之賞，激於前，猛虎之威，驅於後，則怯夫皆爲壯士。今各鎮將領，大都以退縮保守爲得計，幸乘虜款，沽酒烹鮮，謝鳴劍，解甲盾，左偎少艾，右擁笙竽，相與樂飲，帳中戲下，轉相效尤，日抱其幼子童孫，熟寐以寢。三十年來，人不知兵，金鼓幾於絕響，一矛抵見重喬，下無



功可賞，上亦懸賞不行，下卽有罪可罰，上亦懸罰不舉。論者曰：成化以前，敗軍法無苟免者，是以邊臣知畏。地方少事，弘治中，太平濫觴，法弛漸弛，正德一故事耳。今則又異矣。前之所病，病法輕，今之所病，病法廢。法輕則人易犯，法廢則人不知有法，而益犯法。賞以首級論功，殺三功授官，世襲例也。往雖有冒功，時亦建功。今虜以奉款之故，雖不敢大舉，亦常剽掠我牛畜。我以虜款之故，竟不欲大創，而聽其剽掠，是其款我

者彌文而其掠我者實禍也。卽有銳意前矛欲與虜決一死圖功未獲而啓釁之議且尾其後無必得之賞有必招之罰又誰敢以身爲嘗也將以失亡士伍爲罪戰而卒五人死者謫戍例也。往時人相率而逃罪故有指揮亡爲回營身故者今將軍無對壘士卒安得有陣亡是罪不在喪師失律而在恬愉玩愒玩愒於今必失亡於後理有固然事止一間又其甚者假款以通虜使我虛實悉爲所諭主師隱而不報朝廷

寘而不問。昔人云慈母有敗子。嚴家無格虜。此言雖小。可以喻大。蓋嚴著令曰。有能練而士卒修。而車馬。飭而器械。一切邊務。翻然改觀者。許不次超擢。不者有常無赦。隱匿冒功。賞者雖重。臣不貸。遇敵不戰。卽以逗遛之罪罪之。軍士與虜通者。斬以殉。愆罷者退。驕憤不可制者。以軍法從事。虜驅牛羊馬歸。而能遏其歸路者。盡予以所驅之物。督撫嚴加綜覈。部科仍行稽察。使一賞百勸。一罰百懲。如是則號令齊。士心肅。人

人皆可使也。何謂慎貢賞防互市例進貢夷使。不過一百人，多則一百五十人，馬不過五百匹，少亦不下一百匹。北使繇大同口入，三衛使繇喜峰口入，俱留邊城夷館應供。御用者督撫差官代進，各有賞賚燕勞。其互市則大同之守口堡、德勝堡、新平堡、山西之水泉營、順義王所部市焉。宣府之張家口、青把都所部市焉。延綏之紅山墩、寧夏之中衛、清水營、平虜衛、吉能所部市焉。海西并朵顏三衛在廣寧開原寬酋在

永奠堡丙兔同臭定着力兔大戍在甘鎮邊外  
夷厥賓兔一較在莊浪炒哭兒台吉克太阿不  
害并喇叭在甘肅扁都口每市不過二日或令  
備禦防撫或以叅將親歷或給印號懸牌以杜  
奸萌或築高圈墻以謹出入或同時並開以防  
影射或禁冒入市場以絕交通載在令甲者犁  
狄備矣夫貢有定額賞有常數緣貢給賞豈與  
金繒頻投者比顧夷狄不可以人理測彼三衛  
非屬夷乎宣德中去犁庭之威未遠也猶且貢

不時至。況在於今。兼以北虜跳梁。強者結婚姻。弱者屬部落。狡黠又當何如者。今日缺貢。明日補貢。今日革賞。明日補賞。塞上之口。血未乾。胡馬之嘶。風踵至。火真。犂撥。妖氛相尋。豈能必世。世稱臣。勿貳哉。搏弄虚文。體統謂何。不思患而預防之。待其滋蔓。蔓難圖矣。以今觀市事。大有衅孽可慮者。各鎮市易。雖有定數。戎心無厭。求增撫賞。甫加裁抑。語輒不遜。所得貨幣。悉歸酋長。衆夷垂涎側目。爲日已久。脫或爭利市場。變

生倉卒，會長不能制，或陽制而陰縱之，亦狡虜常態。在昔夷狄能爲中國患，彼來殺掠我人民，我亦常得首功，彼來劫奪我財物，我亦攜巢趕馬，利害大略相當，自貢市以來，虜有歲歲之入，而我祇得款段皮骨，不堪載乘，反瘠我以肥虜，安知其不包藏禍心，觀釁以動乎。何謂謹間諜，嚴烽燧，古之料敵出奇者，皆用人爲間，使覘敵堅瑕，然後議戰議守，則不待兩軍相當而勝負已決於胸中矣。今無恃虜不我乘，而恃我無可

乘無恃我無可乘而恃虜不敢乘我我乘虜要  
用術以間之或以我間虜或以虜間虜以我間  
虜者我中國人民有習知夷俗譯胡語審其果  
誣譏奇變而無傾陂反側則不吝賞資任其出  
入有聲息卽諜聞以虜間虜者若三衛夷類狡  
獪翻覆雖以我情輸虜而援爲剽偷亦嘗以虜  
情輸我使我得預防故迫之則毆使爲虜信之  
則墮其計善馭之狙詐作使如虜本欲東掠而  
佯言西擊我則預偵其東向之情而晨芻蓐食



以備之東如虜本欲以精騎後襲而佯以老弱  
列前行我則逆探其掩襲之情而設奇按伏以  
截其後往往出其不意攻其無備而機若環轉  
迅若電發至於斥候戒嚴則有總戎戚繼光傳  
烽法在其法每於墩臺空心臺處所大約相去  
一二里梆鼓相聞爲一墩每墩設軍五名墩之  
相去惟視見聽聞爲準不相間斷近臺者聽守  
臺百總調度不近臺者聽信地百總調度烽號  
賞罰立爲哨守條約分給官軍習學遵行至今

讀其傳烽歌。猶令人慷慨有餘慕焉。誠倣而行  
之。則以我四路應敵之兵。當彼千里趨利之賊。  
必且挫衄。豈能善其歸哉。內治旣修。威稜自振。  
疆國請服。弱國入朝。誰敢有逆我顏行者。

四夷

朝鮮

朝鮮周封箕子國也。秦遼東外徼，漢初爲燕衛滿所據。武帝取爲真番、臨屯、樂浪、玄菟四郡。漢末爲公孫氏所據。魏滅公孫，晉并於高麗。高麗本挾餘別種，王高璉居平壤，卽樂浪已而東徙。鴨綠江東南千餘里。後唐時王建代高地，并有新羅、百濟，又徙東松岳，以平壤爲西京。子孫遣使朝貢，宋遼金歷四百餘年。元至元中，西京內

屬置東寧總管府其國東西南濱海北鄰女直  
西北至鴨綠江東西相距二千里南北四千里  
分八道統府州郡縣俗柔謹知文字喜讀書崇  
釋尚鬼惡殺戴祈風巾服大袖衫男女相悅爲  
婚死三年始葬飲食用俎豆官吏閑威儀居茅  
茨衣多麻蒙以田制俸以杭醞酒法無苛條刑  
不慘盡山川九都神嵩北岳海鴨綠江爲大產  
金銀鐵水晶鹽紬紵布白唾紙狼尾筆梨下馬  
長尾雞貂豹海豹八梢魚昆布杭黍麻榛松人

參扶苓

琉球

琉球在海東南，自福建梅花所開洋，順颶利帆，七日可至。漢魏至唐宋不通中國，隋嘗遣兵虜其男女五千人，元遣使招諭，竟不從。其俗以盈虛爲晦朔，以草木爲冬夏，人皆去鬚，黥手，羽冠，毛衣，無禮節，好剽掠。旣遣人學於國，學夷習稍變，奉正朔，設官職，被服冠裳。陳奏章表，著作篇什，有華風焉。今其國中王下有王，親不與政，次

法司官次、察度官司刑名次、那霸港官司錢穀次、耳目官司訪問、皆土官爲武職、以上世所轄地爲姓名、其大夫長史、通事官司朝貢、有定員、爲文職、皆三十六姓人、及學於國學者、爲之玉、并日視朝、旦中、晷、凡三朝、羣臣搓手模拜、尊且親者入殿坐飲酒、卑疏者移時長跪階下、歲元旦、聖節、長至、君臣冠服、拜龍亭祝慶、子爲親喪、數月不肉食、人死以中元前後浴屍溪水、去腐肉、取骨纏以布帛、裹葦草埋土中、王及諸臣家

匣骨藏山穴，竅木爲小牖。歲時祭掃，啓視之地，無貨殖，不通商賈。朝貢乘大船，海上漁鹽泛小艇，無竹筏，信鬼畏神。神以婦人爲尸祝，號女巫。女巫之魁稱女君，白日呼嘯，聚輒數百人，攜杖戴草，騎步縱橫。時入王宮，褻遊狎戲，一倡百和，音聲悽慘，倏忽往來，莫可踪跡。馮附淫昏，矯譎禍福。王及世子陪臣，皆頓首拜跪。王居山巔，國門名歡會，府門漏刻，殿門奉神，朴素無金碧之飾。賦法各如井田，王臣民各分土爲祿食，上下

無征歛，有事一取于民，事已卽已，用刑甚嚴，盜竊卽刑，剽富貴家者，瓦屋不過二三楹，餘茅土，風雨飄搖，以螺甕甕，無釜甑，耕無鐵，婦人嚼米爲酒，男子煮海爲鹽，市用日本錢，十當一，如宋季爲眼，縱貫人無貴賤，皆驍騎，耐勞苦，飢寒不知醫藥，而無疾病，兵甲堅利，射可至二百步，進止有金鼓，鄰國視爲勁敵，然好爭，很鬪，輒刃殺人，度不能脫，卽剖腹自斃，其山川，竈，巖，峙，彭湖島爲大，或曰國西古米山，有礁甚險，舟至輒敗。



卽落際也。產馬、海巴牛皮、磨刀石、硫黃、銅、錫、麻山無猛獸。以故多野馬、牛、豕、鬪、鏤木、蘇木、胡椒、諸香非其產也。又有小琉球。近泉州。閩人言。一日登鼓山。可望而見。入國朝未嘗朝貢。或曰。并入琉球。琉球。有毘舍那者。島中小夷。鳥語鬼形。袒裸。肝睢。殆非人類。不通中國。

安南

安南。唐虞時南交也。秦爲象郡。漢爲南越。所據武帝平南越。置交阯、九真、日南三郡。朱梁時始

土豪曲承美者據之已而并於劉隱未幾國內  
大亂衆擁豪酋丁部爲州帥部子璉繼立宋旣  
平嶺表璉遂內附黎桓篡丁氏李公蘊又篡黎  
氏陳日煚又篡李氏宋以遠夷故置不問相繼  
皆封爲交趾郡王元憲宗遣將破其國而日煚  
竄居海島弱不能支始歸附元封其子光昺爲  
安南國王光昺死子曰烜自立元發兵破水真  
臘北多山阜爲陸真臘後復合爲一宋宣和初  
封真臘國王慶元中破占城立其國人爲占城

王遂爲屬國。又有參半真里登流眉蒲甘等國。皆屬真臘。聚落頗衆。地亦廣。其俗尚華侈。東向爲上。右手爲潔。縣鎮風習大類。占城王三日一視朝。婚嫁燃燈不息。視力耕種。產銅錫。諸香象。翠羽。嘉樹。異魚。

### 暹羅

暹羅本暹與羅斛二國。在南海中。暹土脊不宜耕稼。羅斛土平衍。種多穫。暹仰給焉。元至正間。暹降羅斛。其國方千里。羣山環繞。峭拔崎嶇。地

下濕土疎惡氣候嵐熱不齊自占城西南晝行  
七晝夜至其國王宮壯麗民樓居兵樓密聯檳  
榔片藤繫之其國藉以藤席竹簟寢處於其中  
王白布纏首腰束嵌絲帨加錦綺跨象或乘肩  
輿尚釋教國人效之好爲僧尼婦人多智夫聽  
於妻妻與中國人私不爲怪男陽嵌珠玉富貴  
範金盛珠行有聲婚則舉僧迎壻至女家僧取  
女紅貼男額稱利市喪禮貴者灌水銀葬民間  
鳥葬言語大類廣東俗澆浮習水戰好鬪喜寇

掠市用海貳、黃海爲鹽、釀秫爲酒、產寶石、奇卉、異木、文犀、翠羽、獅、白象、白鼠、蘇木、賤如薪、色絕勝云、足龜珊瑚。

占城

占城古越裳、秦林邑、漢象林、漢末區連殺縣令、自稱林邑王、遂不入版圖、唐元和初改號占城、宋淳熈中、襲破真臘、慶元中、真臘復讐、俘殺幾盡、更立真臘人爲主、其國在大海南、南距真臘、西距交趾、東北際海、自閩長樂五虎門西南行。

順風可十日至、東北百里、海口立石塔爲標、舟至是繫焉、俗獷悍、果於戰鬥、尚釋教、王冠三山金花玲瓏冠、衣白、跣足、乘象、或黃犢車、臣芟葉冠、男蓬頭、女後椎結、所居茅茨、不得踰三尺、衣紫衣、冠玄黃、罪死、出入乘象馬、粒食、亦鮮食、殺牛祭鬼、驅象逐邪、市用金銀、焚衣祭天、釀酒甕中、俟熟、賓主繞甕坐、筒而啜、且啜且注、水味盡而止、文書用羊皮、及黑木皮、無閏月、晝夜各分五十刻、王當賀日、沐人膽汁、將領獻人膽爲齋

王在位三十年，卽入山茹素，受戒，令子姪攝國。居一歲，顛天矢曰：「我不適當充虎狼食，或病死，期年得無恙，復入爲王。」於是國人呼爲芳嚞馬。哈刺札云：「有號屍致魚者，婦人也，目無瞳，夜飛頭入人家，食小兒，穢氣侵兒腹，兒卽死，頭返合體如故，失其體不得合，卽死。夫不聞者罪之。」產金、銀、錫、鐵、獅、象、犀、牛、玳瑁、諸香、朝霞、大火、珠、菩薩、石、薔薇、水、猛火、油、檳榔、諸物、異木、胡椒、白藤、吉貝、絲紋、白氈、布、孔雀、山雉、伽南香，惟此地有。

之價亦高。觀音竹如藤，長丈八尺許，色黑如鐵，寸二三節，犀角象牙最多，犀如水牛，大者八百斤，體黑無毛，蹄有三跲，獨角在鼻端，長者可尺五寸，馬小於驢，波羅密形如東瓜。

瓜哇

瓜哇古闍婆國，及名莆家龍，元稱瓜哇國，分東西二王，所屬有蘇吉丹、打板打、網底勿諸國，其國四鄉，初至杜板，僅千家，二酋主人流寓多廣東漳泉人，又東行半日至斯村，中國人客此成。



聚落遂名新村約千餘家村主廣人番舶至此  
互市金寶充溢人富饒又南水行可半日至淡  
水港乘小艇行二十餘里至蘇魯馬益亦有千  
餘家半中國人港傍大洲林木蔚茂有長尾猿  
數萬又水行八十里至漳沽登岸西南陸行半  
日至王所居滿者伯夷僅二三百家總領七八  
人王宮磚墉高餘三丈方三十餘里屋高四  
丈地覆板蒙藤花蓆跣跌而坐民居茅茨磚庫  
坐卧於內王蓬頭頂金葉冠胷繫嵌絲悅腰束

鑄綺佩短刀、跣足跨象、或乘牛、民男蓬頭、女椎  
結、上衣下悅、男必腰刀、刀極精巧、刑無鞭朴、罪  
不問輕重、藤繫刀殺之、市用中國古錢、衡量倍  
於中國、磁麝綺帛、國人大抵三種、西番買胡居  
久者、服食皆雅潔、中國流寓者、尚回回教、持齋  
受戒、曰唐人、土人有名無姓、尚氣好鬪、顏色黧  
黑、綵頭赤脚、信鬼、坐臥無椅榻、飲食無匙箸、啖  
蛇蟻蟲蚓、與犬同寢食、不爲穢也、婚男造女家  
後五日迎婦、金鼓刀盾、前後甚都、婦裸被髮、跣

足、索、嵌、絲、悅、戴、被、金、珠、綵、飾、寶、妝、喪、有、水、葬、火、  
葬、大、葬、惟、死、者、所、欲、產、金、珠、銀、犀、象、玳、瑁、青、鹽、  
檳、榔、香、蘇、木、恍、榔、吉、貝、倒、掛、鳥、綵、鳩、綠、鳩、紅、白、  
鹿、白、猿、猴、

彭亨

彭亨在東南島中並山山傍多平原禽獸稀少  
草樹繁茂沃土宜穀饒蔬果其俗上下親狎無  
寇盜男女椎髻好誦佛經煮海爲鹽釀椰爲酒  
產片腦諸香花錫

三佛齊

三佛齊卽舊港又名淳林在東南海中本南蠻  
別種初瓜哇有地十五州東距瓜哇西距滿  
剌加南距大山西北濱海番船輻輳多廣東漳  
泉人土沃宜稼穡人好賭博習水戰服藥刀不  
能傷遇敵敢死鄰國畏之水多土少將領得居  
陸民率架筏水中架梁柱語言如瓜哇市用錢  
布字用梵書其屬有單馬令凌牙斯蓬豐登牙  
儂細蘭諸國產鶴頂紅雞神鹿金銀水晶珠璣

璃、珊瑚、犀角、象牙、龍腦、諸香、猫睛石、薔薇、阿魏、沒藥、血結、

淳泥

淳泥本閩婆屬國，在西南大海中，統十四州，其俗以板爲城，以銅鑄甲，煮海爲鹽，釀秫爲酒，喪葬有棺，盛食無器皿，室宇弘敞，原田豐利，習尚奢侈，愛敬華人，王服頗效中國，產片腦、諸香、象牙、吉貝、玳瑁、鶴頂、

蘇門答刺

蘇門答刺卽古須文達那國西洋之要會也東  
南大山西北距海山連阿魯那孤兒黎伐三國  
自滿刺加西南行順風五晝夜至答魯蠻村舍  
舟陸行十里至其國無城郭有大溪入海海口  
大濤舶至此往往沒溺其風俗淳厚言語和媚  
室廬婚喪衣服物產類滿刺加田磽國少熟番  
舶往來財貨充物人饒富市用金錫錢惟酋長  
好殺殺人輒取血浴刀

古里

古里大國、西洋諸番之會、去中國十萬里、西瀕  
海、南距柯枝、自柯枝海行可三日、至、王好海屠  
敬象牛、老不傳子、傳外孫、否則傳弟、無弟外孫  
傳善行人、族類分五種、如柯枝王南昆人不食  
牛、將領回回人不食猪、大家農起用牛糞塗地  
煨牛糞爲囊佩之、每旦水調採額皮、駁國事皆  
決於二將領、土宜麥、多馬、俗尚信義、行者讓路  
道不拾遺、海濱爲市、通諸番、用金銀錢、以葫蘆  
爲樂器、紅銅絲爲絃、歌聲相協、鏗鏘可聽、刑無

鞭笞輕斷手足重罰金銀戮沒產夷其族有西  
洋布曰捨黎本出鄰國坎夷巴疋闊四尺五寸  
色絲間花幌闊五尺產孔雀白鳩馬無蜍鳥諸  
香嘗貢金絲寶帶金絲細如髮結花綴八寶珍  
珠鴉鵲石

滿刺加

滿刺加舊名五嶼東南距海西北皆山地瘠鹵  
故未稱國隸暹羅歲輸金五千兩旣奉我正朔  
始不隸暹羅王白布纏首衣青花袍躡皮屨乘



轎俗淳朴尚回回教民舍如暹羅婚喪大類瓜  
哇聯榻跌坐刳木爲舟泛海而漁海人畏龜龍  
龜龍高四尺四足身負鱗甲露長牙遇人卽嚙  
嚙卽死山有黑虎祝虎差小或變人形白晝羣  
入市覺者擒殺之

榜葛刺

榜葛刺者東印度也其國地廣人稠財物豐衍  
甲諸鄰國國有城郭王及諸官皆回回人男祝  
髮白布纏頭圓領長衣束綵悅躡皮屨市用銀

錢海賦五嶺山最高大氣候常燠如夏賦十  
刑笞杖徒流官有印章行移軍有糧陰陽醫卜  
百工技藝類中國有衣黑白花衫縈悅佩珊瑚  
琥珀纓絡繫臂硝子鐳釧歌舞侑酒者曰根肖  
連魯奈奈蓋優人也能作百戲以鐵索繫虎行  
市中入人家解索坐虎於庭裸布搏虎虎怒交  
撲仆虎數回乃已或手投入虎喉虎亦不復戲  
已仍繫之家人爭以肉啖虎勞戲者錢曆無閏  
風俗朴厚人好耕植歲二熟產鑛鐵翠羽瑠璃

駝馬桑漆樹絲綿尤多，鎗剪最巧利，布數種，有闊四五尺者，蔦黑蔦勒闊四尺，背面皆毳絨，厚可五分，卽毳羅綿也，白樹皮布，膩滑光潤如鹿皮，椰茭爲酒，檳榔當茶。

### 錫蘭山

錫蘭山在大海中，海中有翠藍山，最高大，自山東南乘風可三日，至赤卵塢，塢人穴居，男女皆裸，若野獸，不粒食，食芭蕉子，波羅蜜魚蝦，又西海行可十日至佛堂山，泊舟處濱海山麓，有卧

佛寺佛榻寶飾極華麗又西北陸行五十里至  
王居王尚釋重象牛煨牛糞灰塗體飲牛乳不  
食其肉殺牛者死罪王宮民居旦必調牛糞塗  
地而禮佛國富饒地廣人稠亞於瓜哇民上裸  
下纏悅加壓腰去鬚尾留髮布裹之女椎髻於  
後縈白布飲食不令人見產青紅黃鴉或石水  
晶海洲有珠池土宜稻不宜麥市用金錢重麝  
香綺絹青磁器銅錢樟腦

柯枝

柯枝一名阿枝東連大山西北皆海自葛蘭山  
海西北行一晝夜可至其國王鎖里人也圖纏  
黃白布上不衣下縈絲幌束綵壓腰綴柳木葉  
蓋屋國人五種曰南昆與玉同類祝髮線懸脛  
爲貴族次回回人次富有財者曰哲地次牙儂  
曰革全又次卑賤者曰木瓜木瓜濱海而居業  
漁樵屋簷不得過三尺上衣不過膝途遇南昆  
哲地卽伏候過乃起王尚浮屠敬象牛建寺範  
金爲佛每旦鳴鐘鼓汲泉灌佛頂數回已乃禮

之有曰濁饑者蓋婆夷也娶妻不剃胎髮縷縷垂後牛糞灰塗體行吹大螺妻隨之乞錢氣候常熱多雨市用金銀錢銀錢十五當金錢一產珠象牙蘇木

祖法兒

祖法兒亦名左法兒東南皆海西北重山自古俚西北海行十晝夜可至無城郭俗尚回回教體幹修碩語言朴實王白布纏頭衣青花絲悅或金錦袍靴屨乘轎跨馬前後列象駝馬鼓吹

氣候常如秋、市用金銅錢、錢文人形、產西馬、駝、鶴、頂、駝、雞、福、鹿、片、腦、沈、香、乳、香、乳、香、卽、樹、脂、諸、奇、藥、以、易、中、國、紵、絲、磁、器、駝、雞、如、鶴、長、三、四、尺、脚、二、指、毛、如、駝、行、亦、如、之、駝、單、峰、或、雙、峰、皆、可、乘、

日本

日本古倭奴國、天御中主都筑紫、號大倭玉、傳三十三世、彥瀲尊第四子神武天皇、自筑紫入都太和州、強原宮、仍以倭爲號、迄漢桓靈、倭奴

作亂、歷年無主、有一女子名卑彌呼、年長不嫁、以妖惑衆、乃共立爲王、在位數年、死、宗男嗣國、人不服、更相誅殺、立卑彌呼宗女、國遂定、逮唐咸淳初、賀平高麗、稍遂夏音、惡其名不善、乃更號日本、蓋取近日始升之義、先時秦遣徐福將童男女數千入海求蓬萊仙、不得、懼誅、止夷澶二州、稱秦王、國號倭、故中國總呼之曰徐倭、非日本正號、惟徂詐狠貪、以疆域言之、東南大海中、依山島爲居、西南皆距海、東北隅隔以大山、



廣袤四面各數千里，東北山外歷毛人國，文身國，約七千餘里，南到侏儒國，約四千餘里，西循一支正北望耽羅渡，百濟到樂浪，約一萬二千里，以州郡言之，所都有山城，太和河內和景攝津五州，共統五十三郡，故曰五畿畿外所部，東海道有伊賀伊勢等六十四州，共統一百一十六郡，南海道有伊紀談路河波讚耆伊豫土佐六州，共統四十八郡，西海道有豐前豐後筑前筑後肥前肥後日向大隅薩摩九州，共統九十

三郡北陸道有若狹越前加賀能登越中赴後  
佐渡七州共統三十郡山東道有通江美濃驛  
信濃濃野下野陸譽出羽八州共統一百三十  
二郡山陽道有播摩美作備前備中備後安藝  
周防長門八州共統六十九郡山陰道有丹波  
丹彼徂馬因幡伯耆出雲石見穩伎八州共統  
五十二郡故曰七道又有一伎島對馬島多禰  
島各統二郡故曰三島其屬國有五十餘新羅  
百濟莫非屬國皆以倭爲大國多珍物恒通使

往來洪武四年國王良懷遣僧祖朝貢七年復  
來以無表文却之其貢僧人發陝西四川各寺  
居住著爲訓絕不與通三十五年復來後列  
祖嗣位國王皆受冊封

師律

卷之十四上 險阨

壹

女直

按今女直卽金餘孽也。金以前勿論。國初定開元。改開原道。控帶諸夷。女直各部在混同江以東。東濱海。西接兀良哈。南隣朝鮮。北至奴兒干。略有三種。自湯站東抵開原。居海西者爲海西女直。居建州毛憐者爲建州女直。極東爲野人女直。它種甚夥。開原北近松花江曰山夷。又北抵黑龍江曰江夷。而江夷有灰扒兀刺等族。建州毛憐裔出渤海。事耕紉。居處食飲有華風。海

西係黑水裔其山夷倚山作寨卽熟女直完顏種江夷居黑龍江卽生女直竝有室廬或以樺皮爲帷止則張架俗善射馳獵耐饑渴忍詢好盜其戰驟多步騎上下巖壁如飛而建州阻萬山獨於中據要害五嶺喜昌石門尤扼險人騎不得成列於女直稱最强永樂元年遣行人邢樞招諭奴兒干諸部野人酋長來朝因悉境附九年春遣中使治巨艦勒水軍江上召集諸酋豪縻以官賞於是康旺佟答刺哈王肇州瑣勝

哥四酋率衆降始設奴兒干都司自開原東北  
至松花江以西先後置建州毛憐塔山等衛一  
百八十四兀者等所二十官其酋爲都督都指  
揮指揮千百戶鎮撫 賜勅印各統分部復置  
站地面各七寨一不領于衛所令歲以冬月從  
開原入朝貢唯野人女直僻遠無常期諸部願  
內附者開原設安樂州遼陽設自在州處之已  
又爲海西建州各夷立馬市開原歲時賜予甚  
厚終 帝世奉職謹征調輒赴建州衛指揮阿

哈出以功 賜姓名李思誠其子釋家奴曰李  
 顯忠顯忠弟猛哥不花亦以內附領毛憐衛累  
 都督同知久之顯忠死子滿住襲求駐牧蘇子  
 河而開原降虜楊木荅戶率數百騎奔建州寢  
 為遼患宣德間守臣務招徠請居以建州老營  
 地老營者 朝廷歲以其地取人參松子所名  
 東建州乃是也四年海西野人女直數寇掠都  
 督巫凱請討之不許 賜勅戒諭令凱厚恤貢  
 夷正統初建州左衛都督猛可帖木兒為七姓

野人所殺，第凡察子童倉走朝鮮，亡其印。詔更給以童倉弟董山襲建州衛指揮，亡何凡察歸得故印。詔上更給者，匿不出，乃更分置右衛，剖二印，令董山領左，凡察領右。正統末，董山與李滿住等竝附也。先爲耳目，抄掠遼東，景泰中，都御史王翱諭歸所掠，稍寧戢，而海西野人諸酋長死也。先之亂，盡失。賜勅子孫不得襲以舍人入貢，宴賞大減，殊失望。天順三年，董山潛結朝鮮，僞授中樞密使，巡撫都御史程信詐



令自在州知州佟成廉他事得朝鮮授山制書  
以聞上遣給事中往朝鮮錦衣譯者往建州  
各軟語枝梧出制書示始憎服貢馬謝成化二  
年左都御史李秉言建州毛憐海西各部來貢  
邊臣索驗貂皮取純黑馬取臙壯否卽拒之非  
厚往薄來意且貂產黑龍江迤北非建州毛憐  
所有宜勅守臣驗放無過苛啓爨下兵部議如  
秉言而董山來朝語不孫糾毛憐海西夷頻盜  
邊三年命武靖伯趙輔充靖虜將軍左都御史

乘督師率漢番京邊官軍五萬往征之、山悔自歸、詔羈廣寧尋伏法、九月分三道搗其巢、左軍出潭河越石門至分水嶺、右軍繇鴉鶻關喜昌口、踰鳳凰城、摩天嶺、至潑猪江、中軍自撫順經薄刀山、過五嶺、度蘇子河、至虎城、刻日會剿、朝鮮亦遣中樞府知事康純等佐兵萬人、遏東走路、俘斬千計、并誅李滿、往會積雪、寒裂膚、遂班師、指揮張額的里率妻孥降、且曰、此地自漢人跡罕至、唯唐太宗東征抵鳳凰城、今大兵追奔

及此乃天也。輔具奏。上憐而貰之。仍安置部夷間。廣而我所損士馬亦不貲。四年留副總兵韓斌防守。築撫順清河靉陽諸堡。五年禮部奏勅通事武忠等諭海西女直各夷常貢外無進海東青兔鶻。并省諭貢使無溢額。六年建州夷窺邊。虜虛謀作亂。巡撫都御史彭誼獲其謀。檄轉餉實鐵嶺瀋陽三萬諸衛。整師出遼陽。衆潰。匿。朝廷因示羈縻。復以董山子脫羅爲指揮。從叛者得降秩襲。諸夷復貢。然往往聲報董山

讐糾掠塞上十四年海西元者前衛都指揮散  
赤哈上蕃書言開原驗貢勒受珍珠豹皮兵部  
移文都御史陳鉞勤赴廣寧置對散赤哈率所  
部十餘輩繇撫順關入守將以非故道卻之因  
藉忿與建州夷合乘虛大掠鳳集諸堡鉞掄近  
邊蕃戶以捷聞更請大發兵巨璫汪直惑通事  
王英言銳請行冀邀功賞詔以兵部侍郎馬  
文升經略直亦繼往按事文升疾趨瀋陽召各  
酋長撫慰賑以牛布已諜知海西夷反側密檄

師律

卷之十四上

險阨

文王

全

總兵歐信等設伏邀擊大破之海西夷亦聽撫  
比直至衆已各解散直心害文升功而文升遇  
直倨鉞復搆以媚直遂奏建州女直諸夷以文  
升曩在鎮禁易農器故屢入寇上遣直及刑  
部尚書林聰卽訊文升言所禁鐵器非農器不  
聽明年下文升獄謫戍重慶是時東寧人劉八  
當哈以天順間盜馬奔建州至是與張驢兒等  
冒虜酋阿卜等名朝貢梟首惡遼東塞而陳鉞  
希直意奏建州女直伏當加聲寇遼請搗穴遂

命撫寧侯朱永佩靖虜將軍印充總兵官討建  
州夷以直督師鉞叅贊東征軍務直等給執貢  
夷郎禿等六十餘人械所司并襲老弱報級加  
直祿米進永保國公鉞右都御史十六年建州  
女直以復仇慘掠清河等堡後三年直始敗鉞  
坐褫職爲民起馬文升左副都御史巡撫遼東  
會其酋完者禿貢馬復聽襲修貢如例塞上寇  
益稀正德八年海西夷加哈義祝孔革等阻貢  
旋就撫諭嘉靖初海西夷酋速黑忒強以修貢

謹及捕叛夷猛克特進左都督。賜金帶大帽。其後請乞漸煩。貢浮額。從兵部議。勅守臣嚴覈如制。二十一年。建州右衛夷酋李撒赤哈糾衆入寇。都御史孫禴禦之多亡失。至深入鳳凰城。命給事中林廷學往勘。明年。廷學還報。上言邊備請稽衛所原額。令以次分番入貢。庶幾古人質子之意。并懸都督重秩。以待斬馘奇功。亡何以海西夷酋王忠偵虜功。陞都督僉事。其秋。建州夷酋趙那碯等分道寇湯站等堡。禦卻之。

而李撒赤哈復盜邊，二十四年就擒，梟塞上，賜總兵趙國忠等金幣，頃之，都御史於敖減撫賞諸夷譁，詐殺譁者，遂挾憤入塞，殺掠如成化時，巡撫以不任相繼罷，二十七年，女直諸夷及兀良哈勾虜入遼，都御史李珣復罷去，遼東大困，已復修貢不絕，久之，海西夷酋王台襲祖速黑忒職，款廣順關，而祝孔革遺孽逞，加奴仰加奴亦款鎮北關，因以南關北關別其號，南關忠順特著，建州夷酋王杲方躡撫順，四十一年，誘殺



副總兵黑春深入遼陽。隆慶五年冬，我師大破建州夷汪位等，馘斬近六百，而梟益縱掠萬曆二年，撫順遊擊裴承祖等被戮，總兵李成梁身督師出搗，斬級千一百有四，來獻捷。明年，梟走匿王台寨，因宣諭台及伊子虎兒罕執梟獻，加台龍虎將軍。進二子都督僉事秩，遂磔梟。益拓寬奠六堡。七年，建州夷酋王兀堂漸譁張。八年，連犯靉陽永奠諸堡，我師追奔出塞二百餘里，至鴨兒匱，得級七百五十四，兀堂爲氣奪，而王

梟遺孽阿台擬仰加奴等修邨南關且勾虜窺  
孤山鉄嶺十年李成梁勒兵曹子谷大破之明  
王爲古勒寨誅阿台是時王台及虎兒罕相繼  
殺所遺猛骨孛羅及虎兒罕子歹商穉弱仰加  
奴雖台婿憤其父祝孔革死台叔王忠手并奪  
賁勅及季勒寨與兄逞加奴固未嘗忘報復  
也十一年以婚西虜借恍惚大煖兔等騎可萬  
餘與歹商構并攻猛骨孛羅恣掠把吉諸寨都  
御史李松宣諭不從因密商總兵李成梁伏兵

中固城擊殺逞加奴仰加奴。而逞加奴遺孽卜  
寨仰加奴遺孽那林孛羅。日夜圖報父。連西虜  
以兒鄧侵掠互商挾索。貢勅十五年那林孛  
羅引西虜萬餘騎急攻把太寨。而王台孽子康  
古陸向奔逞加奴得歸。娶父妾温姐。反攻互商  
猛骨孛羅亦以母温姐故。協謀我師往援。執温  
姐。尋釋之。囚康古陸胥命。而猛骨孛羅爲北關  
迫脇。焚巢劫温姐去。十六年李成良從威遠堡  
出搗卜寨。那林孛羅請降。總督侍郎顧養謙議

并釋康古陸刑牲盟聽兩關均勅釋滅會建州  
夷酋奴兒哈赤與反商約婚亦頗藉爲輔車而  
奴酋方斬叛夷克五十乞陞賞十七年竟于都  
督秩以此遂雄長諸夷初奴兒哈赤祖叫塲父  
塔失竝從征阿台爲鄉導死兵火奴兒哈赤方  
幼李成梁直雜視之後稍蠶食張海色失諸酋  
及與反商爭張海因約婚罷兵且殲叛夷愬祖  
父殉國狀以都指揮張濟崇階與南關埒心固  
已騰踊鴟張矣而反商酣酒好殺衆不附十九

年卜寨等陰令部夷賊商中道南關止遺猛骨

孛羅則勢愈孤又日與北關相構怨頃之奴兒

哈赤計殺卜寨旋以保塞功加龍虎將軍眎王

台潛有併海西意而北關那林孛羅與南關猛

骨孛羅方于闕廿七年猛骨孛羅不支以子

女質建州借兵已因飛語激怒奴兒哈赤反執

猛骨寨中奴酋實心利其妻妾部落外恐吾聲

罪廼僞以女許猛酋而陰縱其妾與通遂以私

外母名殺之邊吏往詰則以女許婚猛酋長子

吾兒忽荅陽以撫養旋羈建州寨南關不絕如綫北關夷酋那林孛羅白羊骨乃約婚西虜孛賽自託奴兒哈赤益旁嚙朝鮮及黑龍江上諸夷三十三年李成梁再出鎮則議徙寬奠新疆民六萬餘入內地弃新疆爲甌脫明年奴兒哈赤強勒清河沿邊參直并爭入貢車轍三十六年混南關勅頂賞明年以萬騎築故寨漸逼開原御史熊廷弼請添募兵兼撫北關收宰賽煖兔折其謀頃之奴兒哈赤願遵諭減車價及還

張其哈喇佃子侵地，而伊塔江夷亦占吉急走北關。四十一年，藉逋壻與北關仇殺，益墾南關曠土，糾西虜宰煖二十四營馳清河，始檄薊兵五千赴援，而奴兒哈赤好語謝邊吏都御史張濤。初至，惑其謀，更以拒婚老女并匿逋壻爲北關罪，且許奴酋質子入關。亡何，奴兒哈赤已圍燒北關十九寨，及我師應援，隨撤兵，以負婚愬。明年，復墾前罷耕地，開原叅議薛國用力主驅逐，始退地定界，兼減貢夷。四十三年，白羊骨以

老女許婚煖兔，奴兒哈赤勒兵南關，已竟寂然。四十六年四月，潛師突陷撫順，總兵張承胤等馳援，死之。因賚蕃書請和，自稱建州國汗。五月，尅撫安三岔白家冲三堡，起原任都御史楊鎬以兵部侍郎經略兼巡撫。七月，奴兒哈赤從鴉鶻關入，尅清河，唯叅將賀世賢縱擊，鬻陽塞外，得級百五十四，而鬻陽寬奠望風潰。賜經略劄一，別以太常寺少卿周永春爲巡撫，都御史九月，奴兒哈赤再從撫順入會安堡，時東方有



白氣長竟天，其占爲蚩尤旗。十二月，北關夷酋金台失報勦奴酋一寨，特賜金幣風勵之。四十七年二月，經略侍郎楊鎬以徵兵四集，遂誓師遼陽，分四路出塞進剿。一軍從靖安堡趨開鉄，一軍從撫順關趨瀋陽，一軍從鴉鶻關趨清河，一軍從瞭馬佃趨寬奠。北關朝鮮各佐銳師，我主帥不一，兼先泄師期。三月朔，總兵杜松越五嶺關前抵渾河，弃車營趨利，遇敵萬餘，乘半渡遮擊，遂大潰。松血戰死，它師馬林師後期踵敗。

開原僉事潘宗顏等竝死之。總兵劉挺深入剋  
十餘寨。後三日，以墮賊詐中覆，亦陣歿。而帥清  
河路者李如栢，以撤回獨全。奴兒哈赤遂乘勝  
窺開鉄，圖搶金台。失寨，傳檄朝鮮，僭號後金。圖  
汗黃衣稱朕意，揚揚自恣也。六月，從靖安堡入  
薄開原，北關爲出援兵二千比至，城已被尅。羽  
書告急。上始超擢前御史熊廷弼代鎬經略。  
尋逮治鎬，而奴兒哈赤以七月從三岔堡入尅  
鉄嶺，鉄嶺開原爲邊重蔽，旣併陷賊，則河東也。

在賊握中，北關與遼聲息不屬，而奴酋乘勝縛  
宰賽，脇煖兔炒花爲助，廣布間諜內地，所在殘  
躪，目無堅城，可爲遼左心寒也。八月，經略侍郎  
熊廷弼入遼，申軍令，方慰撫北關，爲犄角。奴兒  
哈赤祥攻遼瀋，綴我師，突引萬騎，連破金台，失  
及白羊骨寨，北關並歿。廷弼乃決策守遼陽，引  
水爲阨，調李懷信代將，人心始定。奴兒哈赤因  
往開缺，運取窖粟，以飽待饑。明年，給事中姚宗  
文園邊查訪北關部落，得金台失二女孫，一配

虜酋腦毛大之孫桑河兒寨一配虜酋虎整兇  
慙特給四千金示優卹用縻其意而南關喬止  
廣寧指揮王世忠請實授遊擊風諸夷經略熊  
廷弼以軍聲稍振始議回守瀋陽逼賊穴奴兒  
峒赤乃益連西虜計令虜睨河西誘我師疲極  
乘其敝每聲言入犯第時引遊騎出沒至發僞  
榜招降詬侮無狀廷弼奏激同仇滅賊併請恩  
賞將士同甘苦會上慨發餉金三十萬一軍  
盡護知奴酋亡可翹足待而是役調兵十八萬

歲增餉三百二十四萬金而羨海內大爲驟動始海西兩關互讐構越四十年自爲刀俎以歸于盡奴兒哈赤方袖手收漁人之利而女直諸部落盡併建州遂忘其初仰我鼻息欲引金轍安忍好兵甚矣夷之不度德也

北虜

洪武元年大將軍徐達副將軍常遇春兵二十五萬北伐逼京師元主開門北遁至應昌二年殲其國人謚曰惠宗而高皇帝嘉其能達變

推分遣使祭而尊之曰順帝皇太子愛猷識里  
達臘立亡何李文忠擣應昌破之獲太子買的  
禮八刺降其衆五萬人官女財寶圖籍不可勝  
計元主以餘兵走和林右丞相擴廓帖木兒平  
章驢兒右丞賀宗哲咸會焉兵稍稍振立凡十  
一年而殂謚曰昭宗又子益王脫古思帖木兒  
立七年而丞相納哈出以別部二十萬衆降於  
明又二年營捕魚兒海太將軍藍玉以十五萬  
騎襲擊大破之降其衆十萬益王走至也速迭

兒遇害，五傳坤帖木兒，咸未幾而弒，不復知帝號矣。永樂初，鬼力亦立，非元裔也。衆不附，復弒之。太師阿魯台統有部落，乃迎順帝後本雅失里爲主，稱可汗。而當洪武時，強臣猛哥帖木兒據瓦剌，死，衆分爲三，其酋曰馬哈木，曰太平，曰把禿，孛羅不肯與可汗朝會，上表貢貂裘駿馬，珍異，仍請封。詔封馬哈木爲順寧王，太平賢義王，把禿孛羅安樂王。永樂七年，遣給事中郭驥使本雅失里，見殺。上大怒，勅淇國公丘

福等討之而本雅失里已爲瓦剌所襲破與阿魯台徙臚胸河矣丘福恃衆不爲備全軍十萬騎皆沒明年上自以五十萬衆出塞逐本雅失里敗之遠走而阿魯台自以其衆竄山谷請降貢馬詔撫納君臣始各部而居又明年馬哈木等乘本雅失里弱滅之阿魯台上疏請爲故主復讐上不許然嘉其義封之爲和寧王瓦剌貢使遂不至十二年上以大衆討之馬哈木等三酋掃境大戰不利遂遁阿魯台使其



大酋以下來朝會，賜米五十石、乾肉、酒、糗、綵，幣有差。十三年，瓦剌復請降，貢馬謝罪。十五年，馬哈木死，封其子脫歡爲順寧王。阿魯台志遂叛，入寇興和。三十年，上討之，次殺胡元。阿魯

台遜降，其異部大酋也。先土千等數千人還。

封阿

魯台則反刺叛，封脫歡，則阿魯台叛，亦其勢然也。

二十二年，上復親

討阿魯台，出塞數千里，不見虜，還崩於榆木川。而順寧王脫歡稍稍併有太平、孛羅之衆。宣德九年，遂急擊殺阿魯台，悉收其部落，欲自立爲

可汗衆不可，乃行求元後脫脫不花王爲主，以阿魯台衆歸之。居沙漠北，哈喇噶等部俱服屬焉。正統八年，脫歡死，子也先益強盛，自稱爲太師，屢犯邊。十四年，大入，破大同之師，告急相踵。上遣附馬都尉井源等四將各萬騎禦之，俱敗沒。中人振袂，上親征，出居庸，至大同，成國公朱勇等五萬騎爲前軍，復大敗，勇死也。先遂乘勝前逼，上於土木，全師俱覆。上蒙塵也。先詭稱送，上還，潰紫荊而入，躡畿輔，直前犯京。

師尚書于謙武靖伯石亨禦之也先走大掠而出餘衆之在京南者殲於楊洪軍而會中國已立 邸王爲帝也先失所挾平章伯顏帖木兒從更之復奉 上歸景泰中 上數使使賂遺也先又通百花王以間之天順四年也先遂以兵滅脫脫不花弑之致書上自稱大元田盛華言天聖也編云田盛猶大可汗答詔稱爲瓦剌王成化中

也先死諸子分布北邊其在西者爲大虜犯陝西諸鎮在北者犯宣大山西離合不常世次莫

可得而考矣。至弘治中，虜酋火篩大舉寇大同。我師敗績，詔平江伯陳銳爲大將，侍郎許進佐之。出邊坐逗遛徵免，虜勢益盛，踏水過黃河住牧，改命大將保國公朱永，中貴人苗逵，右都御史史琳，合京邊兵十萬，布韋州禦之。復不利。火篩死，邊患少息。而小王子者，卽也。先之後稱可汗者也。或云元裔也，滅也先，遂主諸部，嘗怒其丞相亦不剌，欲殺之，亦不剌懼，擁萬衆掠涼州，入西海，攻破西寧安定王族，奪其誥印，諸番

散亡據其地而居之未幾復稱藩於小王子終  
正德嘉靖間犯邊殺掠吏民不已小王子分地  
絕遠介西北間善水草其人甚富而饒有牛皮  
帳九蓄珠寶直百萬嘉靖之十三年大同叛殺  
其帥險遘小王子入援踐我師大同下而小王  
子得少利輒去不顧其二從父曰吉囊曰俺答  
吉囊分地河套當關中次饒俺答分開原上都  
最貧以故最喜爲寇抄而小王子衆以饒故射  
獵自娛而已雖控弦數十萬人厭兵稀發吉囊

有子十人、人萬騎、俺答亦十餘萬騎、而前後掠中國人埒之、小王子雖號稱爲君長、不相讎、別種曰黃毛者、兇悍不能別死生、衆少於二部、虜或時深入、黃毛輒從後掠徼、取子女玉帛、虜苦之、後合兵逐北、急擊大破、臣黃毛、以是無內顧、得併力我、己亥辛丑、吉囊及俺答連歲入山西、抵太原、圍之十六日而解、剽殺吏民、虜男婦畜產以百萬計、吉囊所鹵忻代、倡伎、縱淫樂不休、卒病體塌死、諸二不相屬、分居西邊、而俺答日

益強盛有子曰黃台吉臂偏短善用兵其衆畏  
之用命過於父丙午自宣府入隆慶總督翁萬  
達發大同周尚文兵拒却之會萬達憂歸尚文  
卒都督張達代而侍郎郭宗臬爲總督庚戌夏  
虜數萬騎入大同境潰墻入悉精兵伏溝壑中  
而以老弱百計爲餌總兵林椿逐之旣入伏悉  
殲焉事聞逮宗臬等治罰有差虜旣得二將首  
遽引去意叵測而邊臣所謀者云方脯羊馬肉  
銀鐵鑽傳箭諸部大舉矣議發邊兵萬三千騎

及京兵三萬四千騎分屯諸要害邊兵取羽檄符會又遠以不時至而京兵市人洒削屠沽兒耳不復能見敵以爲常八月虜至古北口以數千騎嘗我薊兵出火砲矢石從上下却之虜乃悉衆入綴我師而別以精騎繇間道踰嶺出師後京兵大驚潰爭棄甲及馬竄山谷林莽中虜遂大殺掠懷柔順義吏士亡筭俄而犯京城游騎掠通州三河上大驚大司馬束手無策唯有杜門守而已旬日而咸寧侯仇鸞以太同兵



至都御史楊守謙以保定兵至又五日而遼東  
宣府山西勤王兵悉至詔拜咸寧侯爲大將  
軍護諸將軍凡十餘萬騎虜前後剽掠男女羸  
畜金帛財物捆載巨萬徐徐從東行循諸陵而  
北時諸道兵相視錯愕莫敢前發一矢僅尾之  
出而已收斬遺稚弱馬者降或逃者僅八十餘  
以捷聞咸寧侯旣爲政始議開馬市以中虜欲  
而寬其深入之謀則命侍郎史道往蒞之俺答  
與其子貪中國賂因互市不絕然中國歲費以

數十萬計，所獲馬皆驚下，而賊亦小小爲寇。如  
恒時久之，咸寧侯死，事露，虜復闕，連歲入遼東，  
再殺總兵岳懋殷，尚質犯諸邊，又圍大同右衛，  
困之幾下。日者余出使上谷，所詢問梗槩一二，  
俺答有四萬騎，其精兵萬餘騎，子卽所謂黃台  
吉也，有二萬騎，其精兵七八千騎，庶弟田青舍  
吉有萬騎，其精兵三四千騎，俺答老矣，娶二妾，  
棄其妻黃台吉怨之，妾各子一人，子萬騎自備，  
以故中自疑，不敢深入，其精兵戴鉄浮圖馬具。

師律

卷之十四上

險阨

奎

鎧長刀大鏃望若冰雪然咸一當百者然不輕  
與我戰卽餘騎足扼我矣宣大之間虜錯而耕  
牧如碁布也三城返外障焉唯有降人丘富者  
日夜教之火食屋居也然俺答竟不敢屋居也  
其衆亦畏暑有剽志而無據心卽欲之宣大豈  
我有哉

河套

五年十月虜酋阿羅出渡河入套寇延綏河套  
周迴三百阻黃河土肥饒可耕桑切近陝西榆

林堡東至山西偏頭關西至寧夏鎮東西幾二千里南至邊牆北至黃河遠者八九百里近者二三百里卽周之朔方秦之所取胸奴河南地漢之定襄郡赫連勃勃趙元昊之所據以爲國者也唐三受降城在河套北黃河之外元東勝州在受降城之東國初虜遁河外居漠北延綏無事正統以後浸失其險虜始渡河犯邊鎮守都督王禎始築榆林城創緣邊一帶營堡墩臺累增至二十四所歲餽延安綏德慶陽三衛

官軍分戍而河南陝西客兵助之列營積糧以遏寇虜景泰初虜犯延慶不敢深入天順初阿羅出掠我邊人以爲嚮導因知河套所在不時出沒遂爲邊境剝膚之害矣

哈密

哈密在伊吾廬地在燉煌北大磧外西北羗胡往來要路也元封忽納失里爲威武王已而改封肅王卒第安克帖木兒嗣洪武時置甘州五衛於張掖肅州衛於酒泉涼州衛於威武西寧

衛於漢中，又置山丹、永昌、番、莊浪四衛。高臺鎮夷古浪三千戶所，自陝西蘭州渡河千五百里至肅州。肅州西七十里爲嘉峪關。文皇初設關外七衛，曰哈密，曰安定，曰阿端，曰赤斤蒙古，曰曲先，曰罕東，曰罕東左。七衛皆在嘉峪關西。哈密又在六衛西，東去肅州，西去吐魯番各千五百里，北至瓦刺數百里。至是改封安克帖木兒爲忠順王，以賴自馬哈麻火只等爲指揮等官，分其衆居苦峪城。

三衛

三衛在大寧都司北其地在春秋爲山戎秦爲  
遼西郡北境爲奚契丹所據東漢征敗之其酋  
走匿松漠間後魏之先復居故地號庫莫奚後  
屬契丹名兀良哈今猶仍其稱元卽奚都地置  
大寧千戶所國初置行都司及營州等衛洪  
武間封皇子權爲寧王守北藩時宋國公馮勝  
征納哈出上諭令據大寧寨分兵列戍以控  
制之至出內帑鈔募兵輓粟餉軍勝遂築大寧

寬會州富富峪四城，每出師輒留重兵爲守。卒破降納哈出，至是阿里失里及朶顏諸酋奏願內附，詔立三衛以居。自錦義歷廣寧至洮河爲泰寧衛，自黃泥窪踰瀋陽鉄嶺至開原爲福餘衛，自全寧抵喜峰近宣府爲朶顏衛。成祖靖難兵起，先襲破大寧，盡拔諸軍。及三衛胡騎挾寧王入松亭關，事平，詔三衛奉職。始高皇帝時，盡官其酋，與約歲再貢。衛毋過百人，其後屢告饑，許以馬易糧。小小入犯，璽書誥責，許以馬



...此馬至獲價以布其易糧者上馬至守...  
石、湖亭、延邊爲之困後乃以都督劉江議裁馬  
直守給布絹是時寧藩徙江西都司及諸衛皆  
遷內郡太寧地虛三衛因竊據出沒塞下

### 西番

番有生熟其受差發者爲熟番不者爲生番俗  
直質朴魯上下一心君臣爲友吏治無文音樂  
尚琴瑟食酪衣氊居毛帳務耕牧很好鬪貴壯  
賤弱懷恩重利尊釋信詛其山川崑崙山可跋

海、黃河、析支、湟水爲大物產、犛牛、羴羊、草上飛、骨、篤、犀、金剛鑽、馬價、珠、銅佛、天鼠皮、璿璣沙棠、樹黑。

哈烈

哈烈一名黑魯撒馬兒罕西南去嘉峪關萬三千里元駙馬帖木兒之子沙哈魯居其地國人稱爲速魯檀猶華言君王也東有俺都淮八刺黑諸城皆隸焉烈城方十里居平川川廣百里四面大山王並東北山壘石爲屋屋若高臺無

棟梁、墻壁、牕牖，皆金碧琉璃，門扉雕刻嵌骨角，屋傍設綵繡帳房爲燕寢所，金床重茵，衣冠大類亦力把力，民土房或羶帳，以兩少故，上下相與直呼名，雖王亦然，相見稍屈躬道，撒力馬力，一話握手，或相抱爲禮，致意於人，則云撒盤，少炊爨，飯食就肆，無七箸，交易用銀錢，錢三等，無正朔時日月，亦無斗斛，用權衡爲量，稅十二，國用資焉，男髡首，衣尚白，乃喪易青黑，無棺槨，不祀鬼神，祭先於墓所，人多善走，日行可百里，氣

候嘗煖市中流水四時不斷多水磨風磨瓦器  
尤精巧產巴豆香鎖伏花鬪金銀珊瑚琥珀水  
晶珠翠名馬獅子黑白文獸白鹽堅明如水晶  
琢磨爲器以水潤之和肉食多柔宜蠶爲紈綺  
細密過中國農不甚勞然爲穰田美而每歲更  
休地方得完也餽贈錫予宴會極豐厚男女漬  
亂無耻大抵西域城郭諸國哈烈最鄙陋然有  
學舍聚生徒誦習諸經義省刑罰薄稅斂寡爭  
訟好施子務農桑諸國不及也在王城中極弘

偉

阿速

阿速在西海中爲大國，多撒馬兒罕，天方諸國人，有城倚山面川，川南流入海，海有魚鹽之業，野有耕牧之利，敬佛畏鬼，好布施，惡爭鬪，物產饒裕，涼暄適節，人無饑寒，夜無寇盜。

沙哈魯

沙哈魯國在阿速西南海島中，人民淳直，耻鬪好佛，交易海中諸國，西域賈胡來市海中奇物。

不惜高價亦有價廉而得奇貨者沙哈魯人不  
識也王及酋長居城中有瓦屋庶人旅處城外  
田野中村落相聚山川環抱畜產豐利

納失罕

納失罕東去失刺思數日程皆舟行海中其國  
山林川澤有林木魚蟲城東平原饒水草可牧  
馬馬有數種最小者高不過三尺俗敬事佛像  
所至必飲食之尚氣健鬪不勝者衆共嗤之

亦力把力

亦力把力在沙漠間、或曰焉耆、曰龜茲、元時名  
別失八里、馬哈木封於此、其國無城郭宮室、逐  
水草住牧、設帳房、羶麪、寒暑坐臥於地、其王戴  
小單刺、簪薦翎、衣秃袖衫、削髮貫耳、飲食肉賂  
或食稔麥爲毛布、多雪霜、平曠之地、夏秋略煖、  
深山大谷、六月飛雪、俗獷戾、服用污穢、上下無  
紀律、其山白山葱嶺爲大、有焚海、然氣候常寒、  
產銅、鐵、鉛、雌黃、胡粉、馬駝、犛牛、孔雀、甌、觥、阿魏、  
白氍布、

土魯番

土魯番一名土爾番在火州西百里古交河縣  
安樂城也城方一二里地平四面皆山氣候多  
暖少雨雪土宜麻麥有瓜果羊馬之利人皆屋  
居信佛法多僧寺城西二十里有崖兒城城僅  
二里居民百餘家相傳故交河縣治又云古車  
師國吏部員外郎陳誠使至其國誠言西北百  
里有靈山最大夷人言此十萬羅漢涅槃處也  
追山有高臺臺畔有僧寺寺下皆石泉林木從



此入山行二十里，至一峽，峽南有小小土屋，屋南登山坡，坡有石屋，屋中小佛像五，前有池，池東有山，石青黑，遠望紛如毛髮，夷人言此十萬羅漢洗頭削髮處也。循峽而東，行六七里，登高崖，崖下小山纍纍，峰巒秀麗，羅列成行，峰下白石成堆，似玉，輕脆不可握，堆中有若人骨狀者，甚堅如石，文縷明析，顏色光潤，夷人言此十萬羅漢靈骨也。又東下石崖，崖上石笋如人手，足稍南至山坡，坡石瑩潔如玉，夷人言此辟支佛。

湟槃處也。周行羣山約三十餘里，悉五色砂石，光焰灼人，四面峻壑窮崖，天巧奇絕，草木不生，鳥獸鮮少。云後土魯番日強，殘破我嘉峪關外七衛及城郭，地大人衆，異於昔時矣。

### 火州

火州在嘉峪關西，行可一月至。本漢車師前後王地，前王治交河城，卽唐交河縣，去長河八千里。後王治務塗谷，卽唐蒲類縣，去長安九千里。漢元帝時，治戊巳，較尉屯田於前王庭，以其地

師律

卷之十四上

險阨火州

五

勢高敞，名高昌壘。後魏初，有關白固者，自稱高昌王。唐太宗平高昌，置西州及都督府。後陷於吐蕃，其地有回鶻雜居，故又名回鶻。宋時屢遣使貢，元號畏兀兒，隸馬哈木。入國朝，號火州。其東七十里，有柳陳，西百里有土魯番，火州城近北地卑下，山色如火，天氣多熱，城方十餘里，俗類匈奴烏孫，事天神，信佛法，貴食馬，好騎射。時節潑水爲戲，其山川靈山蒲類海，交河爲大，產馬、駝、鹽、白氍布、鑛鉄、陰牙、角、阿魏。

柳陳

柳陳一名魯陳古柳中縣地去哈密千里中經大川砂磧無水草馬牛過此輒死大風倏起人馬相失道傍多骸骨有鬼魅行人失侶白日迷亾夷人謂之旱海出川西行至流沙河河上有小岡云風捲浮沙所積道有火焰山山色如火城方二三里四面多田園流水環繞樹林陰翳土宜稌麥麻豆古有小蒲萄甘甜無核名瑣子蒲萄氣候和煖風俗醇朴人二種回回男子削

髮戴小罩刺婦以白布裹頭畏兀兒男子椎結  
婦人篆阜巾垂髻於額大抵皆胡服

撒馬兒罕

撒馬兒罕漢屬賓也在哈烈東北三千里東去  
嘉峪關九千九百里東西相距千里地平山川  
鉄門浹阿木河最大風景偉麗土田膏腴宜五  
穀頗類中原獨勝諸國城依平原濠深險北有  
子城王居高廣在城北隅王白帽城中達巷縱  
橫肆市稠密西南番賈多聚于此市易用銀錢

禁酒俗尚回回教有拜天屋青石雕鏤極精巧  
以羊皮采經文文字泥金書人物秀美多藝能  
尤善作室國東有養夷沙廐海牙塞藍達失子  
西有渴石迭里迷諸城皆隸焉產金銀玉銅鉄  
珊瑚琥珀琉璃扇苾思檀水晶鹽花藥布名馬  
獨峰駁大尾羊俊猊

于闐

于闐大國在蔥嶺北二百里東西五千里南北  
千里漢唐皆入貢中國石晉時王李聖天自稱

唐宗嘗遣人入貢，封爲大寶于闐國王。宋未南遷，朝貢不絕。後國中微弱，鄰國交侵，人民僅萬計，皆避居山谷間。境內惟火州魯陳哈失哈力，稍有城邑，餘皆荒垣敗屋，生理極蕭條。永樂以後，西戎奉職貢，不敢輒相攻，始得休息。行賈諸番，遂富饒。桑麻禾黍，宛如中土。人機巧，好浮屠法，好歌舞，工紡織，相見輒跪，得問遣書，戴于首，乃發之，稍知尊卑禮節，狀貌亦似華人。其山蔥嶺爲大嶺，下有白玉河、綠玉河、黑玉河，產玉，胡

錦、雙峰駝、諸香、珊瑚、翡翠、琥珀、花藥布、名馬、腥  
膈、臍、金星石、水銀、獅子、阿魏、

師律卷之十四上 終

師律

卷之十四上

險隄

頁